



ლიტერატურული მესხეთი

№1 (317)
იანვარი
2025 წელი
ფასი 40 თეთრი

გამოცემის ოცდაათწლიანი წელი

“LITERATURULI MESKHETI”

„როგორც უფალი, სამშობლოც ერთია ქვეყანაზედა!”

რ. ერისთავი



ტიმოთესუბნის ღვთისმშობლის სახელობის მონასტერი

სამეფელს რომ აღარ
მამლეფს სოლმე
მამულზე ფიქრი,
სანდახან
გულში
ღიმილით
ვიტყუო: -

რა ჩემი ჭკუის საქმეა ნეტა,
მამულთ ჩემო, გილნანს
თუ ვიჭინს! -
რომელი მეფე ერეკლე მე ვანი!
ანდა რომელი მსაჯული მისი!

პასუხად მყისვე
ვითარცა სეტყვა,
ვინც კი და რაც კი
ანსებობს ირგვლივ, -
ინუგლებს სოლმე
ინუგლებს ერთხმად -
ღ ა ლ ა ტ ი ა თ
მ ა გ გ ვ ა ტ ი
ფ ი ქ ტ ი !

მუხრან მახავარიანი



„არბან თავადნი, აზნაურნი, მღვდელნი, ვაჭარნი, გლეხნი, ჩინიანნი და უჩინონი - ყველანი არბან, და ქართველი კი არსად არის, თავადს აზნაური სძულს, აზნაურსა - თავადი, გლეხსა - თრივე, ნუთუ ესენი ქართველნი არბან, ერთის დედის - საქართველოს ოჯახის შვილნი? თავადის აზრი - სათავადოა, აზნაურის - სააზნაურო, გლეხის - საგლეხო, ვაჭრისა - სავაჭრო, ნუთუ ესენი ქართველები არბან, ერთისა და იგივე ხორცისა და სულისა ნაყოფნი და ერთის დედის საქართველოს ძუძუთი გაზრდილნი? ეს ასომთავრული რომ ასომხედრულს გზას უღობავს, ეს თავადი რომ აზნაურს ზურგს უქცევს, აზნაური - თავადსა, თრივენი - გლეხსა; ეს ვაჭარი რომ სამივეს ერთხანის სინარბითა სწოვს, ნუთუ ესენი თვითეულად ცალკე და ყოველნივე ერთად ქართველი ჰგონია ვისმე! ქართველი საყოველთაო სახელია და ამათში რა არის საყოველთაო! ეგ თითო-თითოდ, ერთის გაწყვეტილის ჯგაჭვის რგოლებივით რომ ცალ-ცალკე და თავ-თავად დაგვობრავთ, ზოგი აქეთ, ზოგი იქით, ნუთუ ეგ თვითეული ქართველი ჰგონია ვისმე!”

ილია

Stiuardesa Jana



გვარამ ოლიშავია

1993-ის ოქტომბრის დასაწყისი. თემური და დედამისი აფხაზ ნაცნობს გამოჰყავს სოხუმიდან. „ფიატი“ მოდიან. დედა-შვილი უკანა სავარძელზე ზის, წინ მათი აფხაზი ნაცნობი და მისი მეგობარი სხედან. მანქანას ნაცნობი მართავს. აფხაზი მათი მეზობელია, თემურის დედის ბავშვობის ამხანაგი, მისი მეგობარი კი უცნობია დედა-შვილისთვის. ოთხი წლისა არ იყო თემური, როდესაც ომი დაიწყო. ახლა ხუთისაა. მთელი ომის განმავლობაში სოხუმი იმყოფებოდა დედა-მამასთან ერთად. მამამისი იბრძოდა, რამდენიმე თვის წინათ მარტის ბრძოლები-სას, გუმისთაზე დაიღუპა. ქმრის სიკვდილის შემდეგ თემურის დედა მანქანა არ დატოვა ქალაქი, არც თემური გახიზნა. არც მამის გაცალა იქაურობას, როცა აფხაზური მხარე ქალაქს იპყრობდა, აქაოდა, ჩვენ ხელი რა-

ტომ უნდა გვახლოვნი, ჩვენ ხომ მშვიდობიანი მოსახლეობა ვართ. თუმცა აფრთხილებდნენ, შენი ქმარი იბრძოდა, დატოვე სახლიო. როდესაც ზღვის სანაპიროზე, მათი სახლის სიახლოვეს, ღამით ვილაც კაცი დახვრიტეს, შეძრწუნდა. შემდეგ ფანჯრიდან ქუჩაშიც მოჰკრა ცხედრებს თვალი, რამდენიმე სახლის დანვასაც შეესწრო. მეზობელი ქალის შემწეობით სასწრაფოდ გამოქვინა ბავშვობის მეგობარი აფხაზი კაცი და შეველა შესახოვო. აფხაზმა – ენგურით ვერ შევძლებ, შევეცდები, სოჭით გაგიყვანოთო, უთხრა. და აი, რუსეთის საზღვრისკენ მიდიან. აფხაზი სამხედროა, მისი მეგობარიც. ორივენი სოხუმის ალბაში მონაწილეობდნენ. მათ მანქანას არავინ აჩერებს საკონტროლო პუნქტებში, თითქმის შეუფერხებლად მიიკვლევენ გზას – მათ შორიდანვე ცნობენ სამხედრო ფორმით, ორთავეს ავტომატებით მანქანის კარებზე აქვთ მიყუდებული. მხოლოდ ერთ ადგილას შეამჩნევს. აფხაზმა თემურსა და დედამისზე მიუთითა, ესენი რუსები არიანო. თემურის დედა, მართლაც, ჩამოჰგავს რუსს. დაუჯერეს. აფხაზმა გააფრთხილა თემურის დედა, ქართულად სიტყვა არ დაძრათ, თორემ საქმეს გამირთულებთ, ვინმე გაიგებს თქვენს ქართულს და შენი ქმრის ამბავსაც გამოიკვლევენო. ზის „ფიატი“ დედა-შვილი და რუსულად საუბრობს. – თემო, ქართულად არ ილაპარაკო, დედა... გესმის, თემო, – ჩურჩულით ემუდარება დედა შვილს. თემური დამჯერი ბიჭია. მართალია, კარგად არ ესმის, რატომ არ უნდა ილაპარაკოს ქართულად, მაგრამ გრძობს, რომ ეს ასეა საჭირო.

მიუახლოვდნენ კიდევ საზღვარს. აქ უკანასკნელი პუნქტია, უამრავი ხალხი ირევა, უმეტესად – სამხედროები. საბუთებს ითხოვენ. – ჩვენი საბუთები სახლთან ერთად დაინვა, ჩვენ რუსები ვართ, რუსები... – გაბზარული ხმით ეუბნება ჯარისკაცებს თემურის დედა და ცდილობს, სიმშვიდე შეინარჩუნოს. თანაც, ვითომ აქ არაფერი, თემურს კარგა გვარიანად წამოზრდილ ქორორს უფარცხნის. თემური გრძობს, როგორ უცახცახებს დედამისს თითქმის. ჯარისკაცები ეჭვიანად აკვირდებიან. – ჩემი მეზობლები არიან, რუსები, – გადმოდის მანქანიდან მათი ნაცნობი აფხაზი, – გაატარეთ... – კარგი, – ეუბნებიან ისინი აფხაზს და დედა-შვილს შეგვერემან, ჩოფურა ჯარისკაცს აყოლებენ. საზღვრამდე დაახლოებით ასი ნაბიჯია. ეს მანძილი გამყოლის თანხლებით უნდა გაიარონ, ასეა დაწესებული. ასი ნაბიჯის შემდეგ სამშვიდობოა. – ამ ჯარისკაცთან ფრთხილად იყავით, სიტყვა არ დაგცდეს ქართულად, – კიდევ ერთხელ ჩურჩულით აფრთხილებს თემურის დედას ნაცნობი აფხაზი და ემშვიდობება. თემურის დედას გული ამოვარდნაზე აქვს. – თემო... თემო... შენ ხომ გახსოვს სიმღერა – «Стиардеса по имени Жанна»? იმღერე, თემო, – ეუბნება თემურს დედამისი. თემური მღერის: – Ангел мой, не земной, ты повсюду со мной!.. სამნი მიდიან: თემური, დედამისი, გამყოლი. არა და არ თავდება ის ასი ნაბიჯი. დედა თემურს ხელზე ხელს უჭერს. თემური მღერის, თან გრძობს დედის

ხელის კანკალს. საზღვრამდე სულ ცოტაა დარჩენილი. უცებ გამყოლს უკნიდან ვილაც უძახის. გამყოლი ჩერდება, მთელი ტანით შეტრიალდება და იმ ვილაცას ხელით ანიშნებს – რა გინდაო. დედა-შვილიც ჩერდება. ქალს მთელს სხეულში ელვასავით დაუელის მხურვალეა. – თემო, იმღერე... თემური განაგრძობს სიმღერას. შემდეგ მთავრდება სიმღერა, მაგრამ თემური უმალ თავიდან იწყებს. გამყოლს რალაცას უყვირიან, გამყოლიც ხმამალა ეპასუხება. შემდეგ ისევ მიდიან. რამდენიმე ნაბიჯი და უკვე რუსეთში არიან. გამყოლი უკან ბრუნდება. თემური კი სიმღერას არ წყვეტს. – თემო, გაჩერდი, გაჩერდი, თემო... სამშვიდობოს ვართ, – ეუბნება მას ატირებული დედა. თემური მაინც მღერის. – თემო, გაჩერდი, მიატოვე სიმღერა... უკვე ნურაფრის გეშინია... – მე არ მეშინია, – ამბობს თემური და განაგრძობს სიმღერას. აქვითინებული დედა მკერდში იკრავს შვილს. თემური მღერის... თემურის დედა ჩემი ნაცნობია, ერთ დროს ერთადაც ვმუშაობდით. ომის შემდეგ არ მინახავს. წლეულს, ზაფხულში, შემხვდა ტროლეიბუსში და ეს ამბავი მომიყვა. მას შემდეგ, როგორც კი დედა-შვილი მომაგონდება, მყისვე ის ცნობილი რუსული სიმღერაც მახსენდება და ბიჭის წკრიალა ხმაც ჩამესმის. – Ангел мой, не земной, ты повсюду со мной, Стиардеса по имени Жанна!..

„შრონეზოინი“

„შრონეზოინი“ გულრიფშული ბიჭია, ომის დროს იბრძოდა, ისე, ოური ჰქვია. „შრონეზოინი“ კი მეტროპოლიტმა შეარქვეს, როგორც უმოშარ მეომარს. ზედმეტ სახელს დამსახურება უნდა, „შრონეზოინი“ იურიზე ზედგამოჭრილია, ბრძოლებში მოიპოვა, მითხრეს: „შრონეზოინი“ წყნეთში გავიციანი, იქ ცხოვრობს ოჯახით, ერთ-ერთ კორპუსში. წყნეთში მას უმრავლესობა „შრონეზოინად“ იცნობს და მისი ნამდვილი სახელი არც იცის. ოქტომბრის თბილი, მზის სხივებმოალერსე დღეა. მაგიდას ოთხნი ვუსხედვართ. ღვიწხის ვსვამთ. „შრონეზოინი“ ომის ამბებს იგონებს. მათ შორის ერთი გამორჩეულია. შევეცდები, შეძლებისდაგვარად, მოგიყვებო: 1993 წლის იანვარი. გუმისთის ფრონტზე კანტიკუნტად ისვრიან, რამდენიმე თვეა, პოზიციური ბრძოლები მიმდინარეობს. „სნაიპერების“ დროა... საათობით დადარაჯებული სნაიპერები მონინაღმდევლის სანგრებს სუნთქვამკრულული უთვალთვალდებენ. ირგვლივ მუხლამდე თოვლი დევს, ყინავს. ვისაც ომის ის ერთადერთი, ზღვისპირეთისთვის უჩვეულო ზამთარი აგონდება, მისი სიმკაცრეც კარგად ემახსოვრება. ზოგი ამბობდა, ომმა იცის ასეთი ზამთარი, ზოგიც დიდთოვლობას „გრაადებს“ აბრალებდა. დილაა. „შრონეზოინი“ და მისი სამი თანამებრძოლი სანიტარული ნაწილისკენ მიდიან, ბზიფის გზატკეცილს მიუყვებიან. ისინი ორიოდ კილომეტრით არიან დაშორებულნი ფრონტის ხაზს. სნაიპერის ტყვია აქ უკვე საშიში არ არის. აი, გამოჩნდა კიდევ სანიტარული ნაწილი. და უცებ... ციანდ უცხო ხმები გაისმის. მეომრები ჩერდებიან. ნაცრისფერ, მოქურფულ ცაზე ყვილით მოიჩვენა გედების სამკუთხედი. გედები გადაუფრენენ ქართველთა პოზიციებს, მდინარეს და აფხაზთა მხარის სანგრებს უსწორდებიან. მდინარის გაღმადან ავტომატების აჩქარებული კაკანი იწყება – გედებს ესვრიან. გნისასით იშლება მათი სამკუთხედი. იფანტებიან გედები, მერე ისევ ქუჩდებიან და უკან ბრუნდებიან.

ისევ მდინარე, სანგრები... ახლა მდინარის გამოღმა ხმინებენ ავტომატები, უკვე ქართულად სანგრებიდან მიფრინავს ტყვიები ცისკენ. გედები კვლავ სასონარკვეთილი ყვილით აწყდებიან გუმისთის გაღმა ნაწილს, ისევ ესვრიან... კვლავ გამოღმა მოფრინავენ გედები. ისევ სროლები... ასე გრძელდება რამდენჯერმე. ავტომატების ხმები მოგუდულად ისმის – თოვლი ახშობს მათ. „კალაშნიკოვების“ ტყვიები ვერ აღწევენ გედებამდე, არც ერთი მათგანი არ აკლდება ფრინველთა გუნდს. ბოლოს, სანიტარული ნაწილისაკენ მოფრინავენ გედები. – მე დამაცადეთ, თქვენ არ გაისროლოთ! – ეუბნება „შრონეზოინი“ მეომრებს, ზურგით თოვლზე წეება, ორმოცდახუთტყვიან, „აკეესად“ წოდებულ მსუბუქ ტყვიამფრქვევს იმარჯვებს და გედებს მიზანში იღებს. ტყვიამფრქვევს ბევრად შორს მიაქვს ტყვია, ვიდრე „კალაშნიკოს“.

ლოდ, გედი, რომელიც არ გაჰყავთ თავის გუნდს, ყვირს, წრეებს უვლის სანიტარული ნაწილის ეზოს. წრიალებს გედი, წრიალებს, შემდეგ მოულოდნელად ფრთებს კეცავს, ქვასავით ეშვება დაბლა და თავით ენარცხება გზატკეცილს, სულს განუტყევეს, დაჭრილი გედიდან სულ ოციოდ ნაბიჯის მოშორებით. „შრონეზოინი“ ნამოდგება, ტყვიამფრქვევს ხელს უჭერს, გაოგნებულია. უცებ სადღაც, ბავშვობაში გაგონილი ამბავი ახსენდება შეყვარებული გედის თვითმკვლელობაზე. ზღაპარი ეგონა... გედების გუნდი კი უკვე ზღვის თავზე მიფრინავს, ჩამოდაბლებულ ღრუბლებში. კვლავ ქმნიან სამკუთხედს, მიჰყვებიან წინამძღოლს. ზღვაზე კი მხოლოდ ზღვაა, მეტი არაფერი. კაციშვილის ჭაჭანება არ არის იქ. შესაბამისად, არც ფრონტია და არც მისი ხაზი, არც სანგრები და არც სროლა. არავინ ჰკლავს არავის, ზღვაზე ზღვაა მხოლოდ, მხოლოდ გათოშილი ზღვის ანტიქელ-ჩაზნეტილი ზედაპირი, მეტი არაფერი. ვიუტი ერთგულებით მიფრინავენ გედები, შორდებიან ხმელეთს. დაბლა კი, დაბლა, თოვლით განათებულ მიწაზე ყელს ჭრიან ჯერ ერთ, მერე მეორე გედს, შემდეგ კი წინიან ორთავეს. „შრონეზოინის“ გედი მამალი აღმოჩნდა, ოთხ კილოსა და ორას გრამს იწონის, მეორე გედი კი – დედალი, ექვსი კილო და ოთხასი გრამია. სანიტარული ნაწილის უფროსი „შრონეზოინის“ უმტკიცებს, რომ მათი სასწორი ზუსტია, არ ცდება. ერთი გედი ჩვენ გვეკუთვნის, ჩვენს ეზოში ჩამოვარდაო, ითხოვენ სანიტარულ ნაწილში, შემდეგ ამატებენ, ჩვენმა დაშამ კარგი ხარროს გაკეთება იცის, რამდენი ხანია, ხორცი არ გვიჭამია, მოგვკლა თევზის კონსერვმა, იმასაც ორ კაცზე ერთ ცალს გვაძლევდნო. დედალი გედი კი მეომრებს თავიანთ ნაწილში მოაქვთ. სამხედრო დაჯგუფების მზარეული ფრინველს ოცდაშვიდ ტოლ ნაჭრად ანაწილებს და ტაფაზე წვავს – „შრონეზოინის“ ჯგუფი ოცდაშვიდაკაცია.

გათაშვნი სიჰვინი

1994-ის ზამთარია. მეტროს ვაგონში ცხედვართ, მატარებელი შუა გვირაბშია გახიზნილი – გამორთულია შუქი და მის დაბრუნებას ველოდებით. ვილაც სანთებულას ანთებს, ვაგონის ერთ კუთხეში მქრქალი, ყვითელი სინათლე იღვენთება. ჩემს გვერდით ორი, ოციოდ წლის ბიჭი ზის. ერთი მეორეს უყვება: – სოხუმის ალბის შემდეგ ორამჩირეში გადაგვიყვანეს, ტამიმთან ვიბრძოდი. მაშინ ერთი მაიმუნი მყავდა, აი ამოდენა, – ხელებს შლის, – მხარზე მჯდომარე ღვედით დამყავდა, ადვილად მოვიმინაურე, ხილსაც ჭამდა, კაკალსაც, კამფეტსაც. ღამით ხის ტოტზე მივაბამდი ხოლმე, ხეზე ეძინა. ერთხელ, დილით გავიღვიძე და რას ვხედავ, ჩამოვარდნილა ხიდან ჩემი მაიმუნი და ღვედზე არ კონიალობს?... დამჩხავლა. აი, ასე ეკიდა. გაღიმებული, ხელებგაფარჩხული მეტროში მაიმუნთსამენიდან ნამოყვანილი მაიმუნი ერთობოდა, სხვებსაც ამხიარულედა. ბიჭის მიერ აღწერილი მაიმუნი ნამდვილად მაკაკა იყო. მაკაკები პატარა, მოუსვენარი და მხიარული მაიმუნები არიან, თამაში უყვართ, მეტად მეტყველი თვალები და სახის მიმიკა აქვთ, უმალ ეჩვენებიან ადამიანს, ვინ იცის, იქნებ, იმიტომაც, რომ ძალიან გვეგვანან ჩვენ... სანთებელა ქრება, შუქი იგვიანებს, ბნელა ვაგონში. ბიჭები უკვე სხვა ამბებსაც უყვებიან ერთმანეთს, მე მათ არ ვუსმენ, თვალწინ ტყავის წვრილი ღვედით ხეზე ჩამოხრჩობილი მაიმუნი მიდგას. თითქოს ვხედავ კიდევ, როგორ ირხევა მისი გამეშვებული სხეული დილის ნიაჭში და უზომოდ გაოცებული, ბავშვური სახით, ლიად დარჩენილი თვალეებით თითოეულ ჩვენგანს ეკითხება: ერთი მითხარით, ეს რა ხდება ჩემს თავს... ამიხსენით, ეს რა უცნაური რამ დამემართა... როდის-როდის მოდის შუქი და ამუშავდება მეტრო...



ლიანა ვაშვიანი

დავიგვიანე

დავიგვიანე, ყველა გრძნობა გასხვისდა უკვე, ჩემს წილ სიცოცხლეს წაეკიდა ბრიალა ალი, მძინარეს ბედი საკმეველსაც უკულმა უკმევეს, აღარ აღარდებს ფიქრებს, რომ ვარ მე სუსტი ქალი.

შემომალამდა, შუა გზაში ვერ ვახელ თვალებს, სიცარიელეს ველარ ვავსებ სულის გუბებში, სტრიქონებშიც კი უიმედო მუზა ფართხალებს და ქარიშხალი ლექსს იხუტებს მტკრიან უბეში.

სიცოცხლის წყურვილს ვაფერადებ სურვილის ფერში, ქალის სამყარო უსასრულო ფიქრის წყაროა, სიყვარულს აქსოვს ულამაზესს ის ყველაფერი და მისი მუზის შთაგონება მზის სამყაროა.

დავიგვიანე, ვერ გიპოვეს ჩემმა თვალებმა, გულმაც გეძებდა, დაიღალა სულის ფერებით, მერე მუზამაც დაგივიწყა, განანამებმა, და ეს ცხოვრებაც გავაჯერე უცხო ბგერებით.

ერთი სიტყვა - „მიყვარხარო“ მთელ სამყაროს აზრობს

გამიხუნდა თვალის ფერი, შენ ხომ მწვანე გახსოვს, რახანია ამ თვალებში ცივი სევდა მათოვს, შემეფერა ვერცხლისფერად გიშრის შავი თმები, გვირილამაც მიმკითხავა, რომ არ დაბრუნდები.



გიორგი მელიქიძე

მზე და ქარი

მზე გიცინის და ქარია, შენ კი წევხარ ჰამაკში, და ბავშვივით გიხარია მათთან ერთად თამაში.

გაჰქრა იგი - ძველი ხანა, ხანა ტანჯვის, წვალეების, მზემ, ქარმა არ დაახანა შენი ფერისცვალების.

შენი გული ახლა სხვაა, არ გაშინებს ტალღები, სიხარულით სავსე ზღვაა, გილიმიან ბაღლები.

ასეთია კაცის თვალი, ქალს სიხარულს ანიჭებს, ითვლის სახეშეუმტრთალი შენგან გავლილ ნაბიჯებს.

ან როს გახვალ გარეთ მზეზე, გზად თუ გვხვდება ჩინარი, არ ჩერდები, ხალხი გეძებს და კითხულობს - ვინ არი?

„ფერით მზესა და ქარს მოჰყავს სიხარულის შევსება, ყველა გისმენს და შენს ლოყას გზნება ეალერსება.“

გალაკტიონოლოგია

თუ გინდა სხვასაც გაუგო, ნება შენია, დრო კია, რომ გულის კარი გაუღო გალაკტიონოლოგიას.

კვლავ ამას ვიტყვი, არ ვცდები, ის არის ნაერთგულევი, გელის ზღაპრული განცდები, უანგარიშო, ულევია.

არის საგნები: ფიზიკა, ქიმია, ბიოლოგია, მაგრამ მე უფრო მიზიდავს გალაკტიონოლოგია.

ბუხარში ვჩხრიკო ნაცარი, არა ვარ, როგორც ზოგია, მალე გაიგებთ რაც არი გალაკტიონოლოგია.

სივრცეებს გადანახული არავის დაუბლოკია, მზე არის ჯერ არნახული გალაკტიონოლოგია.

მისი დიდების ამბავი, აქ სიყვარულად გვავლია, რაც დარჩა დასასტამბავი, რაც კიდევ შესასწავლია.

გამარჯვებული დროშაა, ეს ჩემი მონოლოგია, ქედს არ მოუხრის დრო-ჟამსა გალაკტიონოლოგია.

სამშობლო, ერთ უთქმელი, უფლისგან დალოცვილია, გალაკტიონი, რუსთველი, ვაჟა, აკაკი, ილია.

მათი ნათელი სახელი გულებში გადაზრდილია, გალაკტიონი, რუსთველი, ვაჟა, აკაკი, ილია.

ციხეა აუღებელი და სააკვანე შვილია, გალაკტიონი, რუსთველი, ვაჟა, აკაკი, ილია.

არ შეცვლილა ჩემი გული, დარჩა ყმანვილ-ქალის, სიზმარშიც სულ განახლებით მონატრებით მთვრალი, ვაცლილებდი ნლებს და მერე, ვიმუშებდი ტკივილს, აბა, ახლა რა აზრი აქვს მამეზრებელ ჩივილს.

მერე, უფალს შევევედრე, - დამიფარე ღმერთო! რა შევცოდე, რომ მიყვარდი? გულში ცეცხლი მენტო, უპასუხო სიყვარულით დავფრინავდი ცაში, ვერ გავედე, ვერ გითხარი, რომ მიყვარდი მაშინ.

ნეტავ სად ხარ, ჩემო სუნთქვავ, ან ვის კერას ათბობ? მე მიყვარხარ! შენ სიყვარულს ვერასოდეს დავთმობ, ორ გულს ერთად დავატარებ, არ მამძიმებს, არა! ვუფრთხილდები შენს ნაბიჯებს, დაგიდგები ფარად.

ბედნიერი მქვია ქალი, ვინ რა იცის, რა მკლავს, ვეჭვიანობ იმ ჰაერზეც, შენს სხეულს რომ აკრავს, მივეჩვიე უშენობას მარტოსული ქალი, რა ვქნა, ისევ იმ ნლებსკენ თუ გამირბის თვალი.

ვცხოვრობ სულის საზღაპრეთში, ვამედებ ფიქრებს, სურვილების ლექსი როკავს, რიტმი ძალას იკრებს, დავიღალე, უშენობის ნოსტალგია მიტევს, ერთი სიტყვა - „მიყვარხარო!“ მთელ სამყაროს იტევს.

ვუძღვრე უშენოდ

მარტობასაც შევეჩვიე, ვსუნთქავ უშენოდ, ამორძალ სულსაც ამოუშრა ცრემლი თვალეებში, ფიქრის ნაპრალებს ბარიკადები უნდა ვუშენო, რომ აღარ ვიყო შეგრძნებებთან მუდმივ ვალეებში.

თენდება მიმედ, დილა მზის სხივს მჩუქნის მთვარეულს, სულის ჭურჭელში ფათიფუთობს მუზის ამაღა, მიფორიაქებს მონატრება ფიქრებს არეულს, დრომ ჩემი სევდა წამანამებში ურცხვად დამალა.

ვუძღვრე უშენოდ სულის გვემას მაჯებდაჭრილი, არ შემიცოდოთ! მე უხელო დავნერ ლექსებსაც! ნუ შემანუხებს ო ღონდაც კი ღამის აჩრდილი, შევეგუები აქ არსებულ ბრძოლის წესებსაც.

ვუძღვრე უშენოდ უშენობას, შავი ქვრივივით, მანდილზე ცრემლის ნაკვალევი ხატავს ფიგურებს, ნიაკი ზოგჯერ ჩაიქროლებს აშარ ქარივით და ტკივილიან თეთრ ღამეში იმედს მიპურებს.

ფარვანების ვალსი

ფარნის შუქზე ფარვანების თეთრი ვალსი, სავსე მთვარის ვნებით მიბნედილი მზერა, სასიკვდილო მონოლოგის ცეცხლის ალში, წუნს პოეტის დათრგუნული გულის ძგერა.

დანრეტილი სისხლის ბოლო თბილი წვეთი, მუზის სულის ძლიერებას მკაცრად მალავს, ანგელოზი მიაცილებს რითმებს მკვდრეთით, სიბნელეში მთვარე ფრთხილად გზას უკვალავს.

გეფიქრება უსასრულოდ დაღლილ ნამზე, შენს არიას ახმოვანებს თეთრი გედი, დილის სხივი აკიაფდა მოლის ნამზე, როგორ ვერდიქტს გამომიტანს ნეტავ ბედი?..

ფარნის შუქზე ფარვანების მშვიდი ცეკვა, შემოდგომის დეპრესიის მტკივან ფონზე, ტაძრიდან კი ისევ ისმის ზარის რეკვა, რაც ბოროტის ფიქრებს ფანტავს სულის ფსონზე.

შენს თვალებს ვხატავ

უგონოდ მთვრალი დავბარბაცებ შენს თბილ სხეულში, თან მუზის ფუნჯით თვალებს ვხატავ ლამაზს, ვნებიანს, ბოლო წარწერა გავაკეთე ფიქრის რვეულში და სურვილები შენთან ყოფნის გარეთ რჩებიან.

ზაფხულის ხვატი მთვრალ გონებას ადუნებს, თენთავს (აქ შენი ქუჩის ყველა ძალი მეგობარია), არ დამიჯერებ! ჩემი გული დღეს შენთვის ფეთქავს, სიოც არ იძვრის, მაგრამ სულში დიდი ქარია.

მე ისევ მიყვარს ღამის ფიქრში ურყვენელი დარდი, შენს რბილ სხეულში ბობოქარი ბინადრობს ქალი, იყო დრო, ვიცი, ტკივილამდე ძლიერ გიყვარდი და ღამდამობით ტყეში მწარედ მოსთქვამდა ალი.

უღონოდ მთვრალი დავბარბაცებ შენს სამყაროში, მეჩვენება, რომ ახლა უკვე უნისლო მთა ვარ, ყველა შეგრძნება გამეფანტა გარდასულ დროში და გადაღლილი უტოტებო ღამაზ ხეს ვგავარ.



სულ იამაყებს ქართველი, გრძელდება ეს იდილია, გალაკტიონი, რუსთველი, ვაჟა, აკაკი, ილია.

ჩურჩულევენ ღამე მთანი, უსმენს ზარი სიონის, „ზღვა წყნარია ნამეტანი“ - ამბობს გალაკტიონი.

ამბობს გალაკტიონი

„ზღვა წყნარია ნამეტანი, თითქოს სძინავს.“
გ.ტაბიძე

ჩურჩულევენ ღამე მთანი, უსმენს ზარი სიონის, „ზღვა წყნარია ნამეტანი“ - ამბობს გალაკტიონი.

მთვარე თითქოს გულს იქარვებს, ჰქრიან ლალად სიონი, „და ნაპირზე გაშლილ კარვებს“ - ხედავს გალაკტიონი.

ღრუბელი მზეს ეფარება, ოხვრით მოჰქუხს რიონი, „ალბათ ავდარს ეპირება,“ - ფიქრობს გალაკტიონი.

არის ლელვა, გატაცება ციხით კვლავ ბახტრიონის, „ბავშვი არის ალტაცება“ - ხედავს გალაკტიონი.

მიყვარს ლელვით გდება ყურის, მღერა სელინ დიონის, „ბადეს მოსდევს მებადური,“ - ხედავს გალაკტიონი.

იქ პოეზია თუ არი

„ნეტავი იქ თეატრი არის?“
კახი კავსაძე

ვლოცულობ სიმნუხარეში, ვკითხულობ, არ მსურს უარი, იქ, იმ უდაბურ მხარეში, იქ პოეზია თუ არი?

ავიტან ყოველგვარ ტკივილს, ქუხდეს ხმა ზარის სიონის, მჯეროდეს, იქაც გაჰკვივის, თავის ლექსს გალაკტიონი.

ისმოდეს, იქაც ისმოდეს, შოთას ნათქვამი შაირი, კვნესოდეს, გული კვნესოდეს, ვით საკვნესარი დაირი.

მჯეროდეს, ოლონდ მჯეროდეს, გავყვები ჩემს გზებს დაკლაკნილს, მღეროდეს, იქაც მღეროდეს, ვაჟა, ილია, აკაკი.

ვლოცულობ სიმნუხარეში, ვკითხულობ, არ მსურს უარი, იქ, იმ უდაბურ მხარეში, იქ პოეზია თუ არი?

პანტანო იანური

ლაშა გიორგის მეფობა, ქვეყნის ეკონომიკური და სამხედრო სიძლიერის მიუხედავად, რთული პერიოდი იყო, – დიდებული თამარ მეფისაგან მან არც თუ ისე სახარბიელო მემკვიდრეობა მიიღო. გარეშე მტრები კვლავ დიდ საფრთხეს უქმნიდნენ საქართველოს. ამავე დროს, დიდებულების ხელში იყო სიმდიდრე და ძლიერება, რომელთა დამორჩილება და მეფისადმი დაქვემდებარება პრობლემა იყო სამეფო კარისთვის. ქვეყანას, ფაქტობრივად, ივანე ათაბაგი მართავდა. თამარის მეფობიდან – 1192-1193 წლიდან, თამარ მეფის წყალობით, იგი ათაბაგობის ახალ სტატუსს – სპასალარობის თანამდებობას იღებს და მეფის შემდეგ სახელმწიფო მართვის სადავეებთან დგას.

ლაშა გიორგის მეფობის პერიოდში მას მეფეზე მაღლა უჭირავს თავი, სამეფო კარზე მისი მომხრეები მძლავრობენ და მეფეს დირექტივებს აძლევენ. ახალგაზრდა ლაშას კი არ შეეძლო მათთან დაპირისპირება. პოლიტიკური პრობლემიდან მომდინარეობს ლაშა გიორგის პირადული ცხოვრების სირთულეც – მას არ შეუძლია შეირთოს ქალი, რომელიც უყვარს. მათიანები სხვადასხვა ცნობებს გვანდობენ მეფისა და მისი შეყვარებულის ურთიერთობის შესახებ, რაც იმას მოწმობს, რომ მეფის კომპრომეტირებას ცდილობენ. ამ აზრს სარწმუნოდ ხდის მისი მოულოდნელ და ბუნ-



ბეთანია. ლაშა-გიორგი

საყდრედ დაისვა. თანამოსაყდრეობა გრძელდებოდა 5 წლის განმავლობაში. ლაშა-გიორგის დამოუკიდებლად მმართველობის დაწყებისა და თამარის გარდაცვალების თარიღი ცნობილი არაა. ის კი ნათელია, რომ ლაშას გამეფება და ქვეყანაში საგარეო და საშინაო ურთიერთობების გართულება ერთი იყო. იგი დედისგან განსხვავებით, დიდგვაროვანთა მიმართ შედარებით მტკიცე პოლიტიკის გატარებას აპირებდა, რამაც თავიდანვე კონფლიქტი გამოიწვია მეფესა და სამეფო კარზე დანიშნულ ბულ გავლენიან დიდგვაროვნებს შორის. თავდაპირველად კონფლიქტი განძის ათაბაგის წინააღმდეგ ლაშქრობისას გამოვლინდა. როგორც ცნობილია, განძის საათაბაგო ყმადნაფიცო ქვეყანა იყო. ყმადნაფიცო ქვეყნები კი ვალდებული იყვნენ, რომ ხარკი ეხადათ და, სიტუაციიდან გამომდინარე, ჯარი გამოეყვანათ.

განძის ათაბაგი ელოდა ხელსაყრელ დროს, რომ საქართველოს ყმობისგან თავი გაეთავისუფლებინა, რის განხორციელებაც თამარ მეფის გარდაცვალების შემდგომ ხელსაყრელად ჩათვალა. საქართველოში ყმადნაფიცობის სიმრავლე არის ძალის გამოვლინება და არა სიძლიერის საფუძველი. ამდაგვარი ქვეყნები მხოლოდ ძალის გამოყენების შიშით ემორჩილებოდნენ პატრონს და სათანადო მომენტს დაინახავდნენ თუ არა, მაშინვე ცდილობდნენ განდგომას. ამ ეტაპზე განძის ამირას თავნებობა გახდა მიზეზი ასეთი ქვეყნების ურჩო-

აქაც მხარგძელმა ქედმაღლურად მეფეს შენიშვნა მისცა, თითქოს თვითონ მეფე იყო და ლაშა ხელქვეითი. სავარაუდოა, რომ ეს ის ოთხი ათასი მესხია, რომელიც შალვა ახალციხელის მეთაურობით წინ აღუდგა ჯალალედინს გარნისთან, ამით კიდევ ერთხელ გაცნაურდება ათაბაგის გამქმნელი და მტრული განწყობა მესხებისა და ახალციხელისადმი.

რასაკვირველია, ლაშა-გიორგი ამგვარ სიტუაციას არ შეეგუებოდა და ცდილობდა გარშემო შემოეკრიბა ერთგული და თანამოაზრე დიდებულები. ლაშა-გიორგისა და დიდგვაროვანთა დაპირისპირება ჩანს არა მხოლოდ პოლიტიკურ ასპარეზზე, არამედ ცხოვრებისეულ სფეროშიც. ამის შესახებ წერს მემატინე „ჟამთააღმწერელი“, რომლის გადმოცემით, ლაშა-გიორგიმ ჩამოიშორა თამარ მეფის მიერ შეკრებილი დიდებულები და დაიყენა გვერდით თანამოაზრენი. ისტორიკოსი ამ ვითარებას პრობლემატურად მიიჩნევს, რაც იქიდან ჩანს, რომ ვითარებას საკმაოდ მუქ ფერებში ასახავს. ლაშა-გიორგი ვიზუალურად, როგორც გადმოგვცემენ, იყო „ტანით მაღალი, მხნედ მოისარი, ნადირობაში მარდი, ლალი ბუნებით.“

როდესაც ვსაუბრობთ ლაშა-გიორგიზე, უნდა აღვნიშნოთ მისი მმართველობის პერიოდში ქვეყანაში საგარეო - პოლიტიკური ვითარება. საუბარი უნდა დავიწყოთ იქიდან, რომ მისი მეფობის პერიოდში საქართველო ჯერ კიდევ ძლიერი და ავტორიტეტული სახელმწიფო იყო მსოფლიო ასპარეზზე.

ლაშა გიორგის პოლიტიკური

დოვან პირობებში გარდაცვალებაც.

ამდენად, ლაშა გიორგის პოლიტიკური პრობლემას პირადულიც ემატება, რასაც მეფისთვის სავალალო შედეგი მოჰყვა. ლაშა გიორგიმ თამარისგან არც თუ სასურველი მემკვიდრეობა მიიღო, ძლიერი სამხედრო პოტენციალი, ეკონომიკური მდგომარეობა და პოლიტიკური ვითარება ისეთი აღარ იყო, როგორც დედამისის მეფობის დასაწყისში და შემდგომ წლებში. ეს პროცესი თანდათანობით მიმდინარეობდა და სრულად ლაშას მეფობის დროს იჩინა თავი.

ქვეყნის ერთიანობასა და პოლიტიკურ სტაბილურობას ხელს უშლის შიდა დაპირისპირება, რომელიც გიორგი რუსისა და ყუთლუ-არსლანის მეფის ხელისუფლების საწინააღმდეგო ქმედებას მოჰყვა. პრობლემა მხოლოდ ის არ არის, რომ უბედური რუსის გამოსვლამ, ფაქტობრივად, სამოქალაქო ომი გამოიწვია. ერთმანეთს შეებრძოლა ძირითადად დასავლეთ საქართველოსა და აღმოსავლეთ საქართველოს დიდებულები, რაც ძმათა მკვლელობა იყო. დაზარადა საქართველო, დაიხრცნენ ორივე მხრიდან საუკეთესო მეომრები. ფაქტობრივად ორივე დაპირისპირებული ჯარი და სარდლობა საქართველოს წარმოადგენდა. სხვა საკითხია დემნა ბატონიშვილის გამო მოწყობილი შეთქმულება, რომელიც ისეთი მასშტაბური არ იყო, რომ ქვეყანა შუაზე გაეხლიჩა, მაგრამ იური რუსის დაპირისპირებას სამეფო კართან ქვეყნისთვის მწვავე სოციალური და პოლიტიკური შედეგები მოჰყვა.

მართალია დამარცხდნენ რუსის მომხრეები, მაგრამ დაღუპულ მეომრებსა და მეფისგან განდგომილ დაღუპულ ერისთავებს დარჩათ მემკვიდრეები, რომლებიც ასე მარტივად არ შეურიგდებოდნენ მამების სიკვდილს და მკვლელობისთვის შურისძიების გზების ძიებას დაიწყებდნენ, რაც ლაშას მეფობის პერიოდშიც გაგრძელდებოდა. ეს კი იმას ნიშნავს, რომ დიდებულებში მეფის ქვეგამხედველები მომრავლდებოდნენ, ამასთან გასათვალისწინებელია ყუთ-

ლუ-არსლანისა და მისი მომხრეების დახმარება, რასაც უდავოდ მოჰყვებოდა დაღუპულთა ოჯახის წევრებისა და მათი შთამომავლების მხრიდან სამეფო კარისადმი მტრული დამოკიდებულება. ეს კი პერმანენტულად აისახებოდა ქვეყნის პოლიტიკურ და სამხედრო მდგომარეობაზე, რაც შეიძლება გამოვლენილიყო მეფისგან განდგომაში ან შეიქმნებოდა მეფისადმი ლალატის პრეცედენტი.

მეფისთან დაპირისპირება, თავისთავად, ქვეყანაში პოლიტიკური სიტუაციის დაძაბულობასა და სამხედრო დაპირისპირებას გამოიწვევდა. ამასთანავე ლაშას სხვა პრობლემაც დახვდა სამეფო კარზე, ეს იყო ივანე ათაბაგი და მის მიერ შემოკრებილი დიდებულები, რომლებიც თავს დამოუკიდებლად გრძნობდნენ, თავიანთი სურვილისა და შეხედულების შესაბამისად წარმართავდნენ სამეფო კარზე თავიანთ საქმიანობას. ასევე დამოუკიდებელ და თავისუფალ მმართველებად თვლიდნენ თავს ერისთავები, რომელთაც მემკვიდრეობითი ხელისუფლება ჰქონდათ საქართველოს ვრცელ რეგიონულ ტერიტორიებზე. მათ სიმდიდრეც ჰქონდათ, ძალაც და საბრძოლო შესაძლებლობებიც, დაეცვათ თავი, როგორც მეფისგან, ისე გარეშე მტრისგან. ეს ფაქტები კი ძირს უთხრიადა საქართველოს ერთიანობას და ასუსტებდა მეფის ცენტრალურ ხელისუფლებას.

ზოგი ერისთავთაგანი თავს მეფესაც უტოლებდა, მათ შორის ივანე ათაბაგი, რომელიც ფაქტობრივად მართავდა ქვეყანას და თავის მომხრეებს ამრავლებდა. ლაშა-გიორგი თამარ მეფის უფროსი შვილი იყო და თამარის შემდეგ ტახტი მას ეკუთვნოდა და არა რუსუდანს. თუმცა მას თავისი მომხრეებიც გამოუჩნდნენ და სამეფო კარზე ზოგიერთი დიდებული ამ მდგომარეობით ლავირებდა.

ლაშა დაახლოებით 1192-1193 წწ. დაბადებულა და მისთვის პაპის, თამარის მამის, გიორგის სახელი დაურქმევიათ, ლაშა კი ზედწოდება იყო. 1206 წელს, დავით სოსლანის გარდაცვალების შემდგომ, თამარმა 13 წლის ვაჟი თანამო-

ბისა. ცხადია ლაშა-გიორგი გამეფებისთანავე დადგა სერიოზული გამოცდის წინაშე. მეფემ და დიდებულებმა განძის ამირას წინააღმდეგ გაერთიანებული ძალებით გადაწყვიტეს გალაშქრება. აღნიშნული ლაშქრობა დასრულდა მეფისა და დიდებულების გამარჯვებით და განძის ამირა კვლავ აიძულეს, ხარკი ეკისრა და თავი საქართველოს მორჩილებაში ეცნო.

აღნიშნულ ლაშქრობასთან დაკავშირებით დიდ ინტერესს იწვევს კონფლიქტი, რომელიც წარმოიშვა მეფესა და საქართველოს ლაშქრის სარდლებს შორის, რაც აიხსნება შიდა კლასობრივი ბრძოლით. ქართველთა ჯარი, როდესაც საათაბაგოს ტერიტორიაზე შეიჭრა, განძის ათაბაგმა სათანადო წინააღმდეგობა ვერ გაუწია და იძულებული გახდა განძის ციხეებისთვის შეეფარებინა თავი.

განძა კარგად გამაგრებულ ქალაქად ითვლებოდა და მისი აღება მარტივი საქმე არ იყო, მაგრამ განძელთა ლაშქარი მაინც დამარცხდა. ცხადია, ზარალი დიდი იყო როგორც განძისთვის, ისე ქართველებისთვისაც.

ქართველ სარდლებს, ამირსპასალარის – ივანე ათაბაგის მეთაურობით, რასაკვირველია, არ ესაიბოვნათ მეფის დამოუკიდებლად მოქმედება. მეფის აღნიშნული ქმედებები იმის ნიშანი იყო, რომ თავის მოქმედებების შეთანხმებას არ აპირებდა არავისთან. ლაშა-გიორგის მისწრაფება ნათელი იყო, მას სურდა პაპის, გიორგი მესამისა და დიდი პაპის, დავით აღმაშენებლის ძალაუფლების მქონე მეფე ყოფილიყო „ნებითა ღვთისა“ და არა „ნებითა დიდებულთა.“

მეფის კარზე ჯერ კიდევ ბოხოქრობდნენ დიდებულები, რაც ისახება მეფის ცხენიდან ჩამოხტომით და დიდებულების წინაშე ბოდიშის მოხდით. ათაბაგი მეფეზე მაღლა იჭერს თავს და ავლენს მესხებისადმი შუღლს განძის ბრძოლაშიც. ლაშა-გიორგიმ ოთხი ათასი ქართველით შემოუარა ქალაქს და განძელთა ათათასკაცნიანი ჯარი დაამარცხა.

ლაშა-გიორგის მმართველობის ბოლო პერიოდში საქართველოს რამდენიმე ყმადნაფიცმა ქვეყანამ კვლავ სცადა განდგომა, მაგრამ მეფემ მოახერხა მათი კვლავ დამორჩილება და დახარკვა. მსგავსი შემთხვევაა 1219 წელს ლაშას სამხრეთ-დასავლეთის მიმართულეებით ლაშქრობა. მან აიღო ორტყი და სხვა ციხეებიც ნახიჩევანამდე. ასევე ქართულმა ჯარმა, ივანე მხარგრძელის მეთაურობით, მოარბია სასულთანო, დაიმორჩილა კანდუ-ქალაქი. რაც შეეხება შალვა მთავრის-ახალციხელის სარდლობას, მან დალაშქრა კეჩროლი. ამ პერიოდში ლაშას რომის პაპმა ჰონორიუს მესამემ გამოუგზავნა ეპისტოლე, რომ საქართველოს მეფე პალესტინის გასათავისუფლებლად ბრძოლაში მონაწილეობაში ჩართულიყო. ეს ფაქტი დამყარებული იყო თხოვნის საფუძველზე. ჯვაროსანთა მეხუთე ლაშქრობა 1217-1221 წწ., რომელიც იყო მიმართული ეგვიპტის წინააღმდეგ, იგი დამთავრდა უშედეგოდ. ჯვაროსნებს იმედი ჰქონდათ ქართველთა ჯარის დახმარებისა. ცნობილია, რომ ხმაც კი გავრცელდა ჯვაროსანთა შორის, რომ საქართველოს მეფემ ეს ლაშქრობა დაიწყო, რასაც აღნიშნავს ფრანგი რაინდი „დე-ბუა“, კერძოდ, ბენანსონის არქივისკოპოსისადმი გაგზავნილ თავის წერილში. როგორც ჩანს, ლაშა-გიორგის მართლა დაუწყია სამზადისი ლაშქრობაში მონაწილეობის მისაღებად, ამ დროს კი საქართველოს საზღვრებთან გამოჩნდნენ თათარ-მონღოლები, რომლებმაც არა მხოლოდ ლაშქრობის გეგმა ჩაშალეს, არამედ შეცვალეს საქართველოს განვითარების ისტორიის მიმართულება.

მეფე, რომელიც საქართველოს ისტორიაში თავის უიღბლო და ტრაგიკული სიყვარულის გამო სრულიად განცალკევებული დგას სხვა მეფეთა შორის და რომლის პიროვნების ირგვლივ დღემდე გრძელდება კამათი ისტორიკოსთა შორის. მისი ისტორიული სახეც სხვადასხვაგვარად გამოიყურება მათიანებში: თუ ლა-



შას დროინდელი მემატინე მისი, როგორც მეფის, ისე ადამიანის დადებით მხარეებს აღწერს, რუსუდან მეფის დროინდელი წყაროები მას უარყოფით ასპექტში წარმოაჩენენ.

მეფე რომ სიყვარულში თავისუფალი არ არის, ეს მრავალ ისტორიულ წყაროსა და ლიტერატურულ ნაწარმოებში ფიქსირდება. „ქართლის ცხოვრება“ მეფეთა სიყვარულის მხოლოდ ორიოდ შემთხვევას აფიქსირებს, რაც იმაზე მიგვანიშნებს, რომ ეს იშვიათი მოვლენა იყო საქართველოს ისტორიაში. თუ გავითვალისწინებთ, რომ მეფეთა ქორწინება პირად გრძნობებსა და სურვილებზე არ იყო დამოკიდებული და ის ქვეყნის პოლიტიკის ერთ-ერთი შემადგენელი ნაწილი იყო, ადვილი გასაგებია, რომ მეფის ბედს სახელმწიფოს პოლიტიკურ-ეკონომიკური ინტერესები განაპირობებდა. ამდენად, მორწმუნე მთელი მეფე ყველაზე მეტად შეზღუდულია სიყვარულთან და მისი პირადი ბედნიერება ქვეყნის მდგომარეობაზე იყო დამოკიდებული, რაც, ფაქტობრივად, იმას ნიშნავს, რომ „ღვთით კურთხეულთაგან არავინაა ბედნიერი ამ ქვეყანაზე“. ამ სიტყვებს ეუბნება შაჰს ძველი ბერძენი ფილოსოფოსი, ლიბიუს უძლიერესი მეფე კროსოსი, რომელსაც თავი ყველაზე ბედნიერი ეგონა თავისი სიმდიდრისა და სიძლიერის გამო. ეს ილუზია მალევე დაემსხვრა მას, როდესაც მისი ქვეყანა სპარსეთმა დაიპყრო და თვითონ ტყვედ ჩაგვარდა.

ლაშა-გიორგის სიყვარული განსა-

თანამოსაყდრეა. ამ საუკუნის წარმატებები დედსთან ერთად ლაშა-გიორგის წარმატებებიცაა. ქვემო ქართლში, ზოგიერთი ტაძრის ნანგრევებში, ლაშას სახელი ფიქსირდება. ეს რაც პირადად ვნახე, მხოლოდ იმ ფაქტებს ვიხსენებ, მაგრამ დარწმუნებული ვარ საქართველოს სხვა მხარეებშიც ბევრი იქნება ლაშა-გიორგის აშენებული და შეკეთებული ეკლესია-მონასტრები. ამასთანავე, უნდა გავითვალისწინოთ, რომ ივანე ათაბაგი-მხარგრძელი, რომელიც პირველი უპირისპირდება მეფეს, რუსუდანის გუნდშია. საფიქრებელია, რომ სწორედ ივანე მხარგრძელი ფიგურირებს სამეფო ტახტისათვის ბრძოლის ვალდებულებაში ლაშა-გიორგის წინააღმდეგ და, სავარაუდოდ, ჟამთააღმწერლის მატინეშიც ორი ერთმანეთის გამომრიცხავი ცნობის არსებობა ამ დაპირისპირებითაა განპირობებული.

ლაშას გამიჯნურება ველისციხელ ქალთან ძალიან მშრალადაა გადმოცემული ჟამთააღმწერლის მიერ: „მისრულმან კახეთს სოფელსა ერთსა, ვერლისციხესა, იხილა ქალი ფრიად ქმნილკეთილი და მყის აღტაცებულ იქმნა გულისთქმათა მიერ და დამიწყებლმან დავითის და ურის ცოლისა მიმართვისა და საქმისაგან მსწრაფლ თვისად მიიყვანა და შეიყვარა ფრიად“ (ქართლის ცხოვრება).

მემატინე ვერ მალავს, რომ ლაშას შეყვარებული ლამაზი ქალი იყო და იგი ძალიან შეუყვარდა მეფეს. ლაშას გამიჯნურებამდეც აშანტაჟებდნენ ივანე

ქალი, რომელიც უკვე ლაშას ძის დავითის (შემდეგში მეფე დავით ულუდ ნოდებულის) დედა იყო. ცხადია, მეფე მათ უარს ეტყობდა და თავის სიყვარულს არასოდეს დათმობდა.

ლაშა-გიორგი, როდესაც უარს ეუბნება დიდებულებსა და საეკლესიო ხელისუფალთ ქალის დათმობაზე, იგი მზადაა ყველაფერი დათმოს ამქვეყნიურს, არ აინტერესებს არც იმიჯი და არც მეფის ავტორიტეტი.

მეფის ამ მონაცემებს აფიქსირებს ჟამთააღმწერელი „რამეთუ იყო ლაშა-გიორგი მხნე, ახოვანი, ძლიერი, ლალი... თვითბუნება, უხვი“. იქვე). აშკარაა, რომ ლაშას მეფობის პერიოდის იურიდიული ნორმები, რომლებიც კრძალავდნენ მეფის და, არა მარტო მეფის თავის ხელქვეითზე, თუნდაც სიყვარულით ქორწინებას, არ შეესაბამება ზნეობრივ პრინციპებს. ალბათ, ესეც გახდა ოფიციალური უთანხმოების მიზეზი.

ლაშას სიყვარულის აღწერისას ივანე ჯავახიშვილი ჟამთააღმწერლის მონაცემებშიც ავლენს ურთიერთგამომრიცხავ ფაქტებს და ეჭვის ქვეშ აყენებს მის ობიექტურობას. მემატინე მაინც ხელისუფლების ნებას ახორციელებს და საეჭვოა, მის ხელთ არსებული წყაროები ობიექტური ყოფილიყო. ეს დასტურდება ლაშას გამიჯნურებისა და დიდებულების მიერ ქალის „ნაგვის“ აღწერისას.

როდესაც მეფეს შეუყვარდა ქალი და ნამოიყვანა, იმ დროს არ წერს მემატინე, რომ ქალს ქმარი ჰყავს, ხოლო, რო-

ცხად მას უანდერძა. ის წარმოუდგენელი სისასტიკე, რაც რუსუდანმა ლაშას ძის დავითის მიმართ გამოავლინა, გვაფიქრებინებს, რომ იგი ძმას ფარულად მტრობდა სიცოცხლეშიც, არც ისაა გამორიცხული, მის სიკვდილშიც ყოფილიყო გარეული. მემატინე, როგორც წესი, მდაბიო წარმოდგენის ველისციხელ ქალზე აღარაფერს წერს. რაც მეფეს მოაშორეს, იგი მას აღარც ახსენებს, მაგრამ ერმა ლაშასადმი დიდ სიყვარულსა და პატივისცემასთან ერთად, ამ ქალისადმი პატივისცემა და კეთილი განწყობა შემოინახა.

ლაშა გიორგი, ხალხური გადმოცემით, ფშავ-ხევსურეთში იზრდებოდა, ყოველ შემთხვევაში, დამაჯერებელია, რომ გარკვეულ წილად მთაში ყოფილიყო უფლისწული, ეს მის ჯანმრთელობასა და ცხოვრების წესზე კეთილზეგავლენას მოახდენდა. გადმოცემით, ლაშარის წმინდა გიორგი ლაშას სახელს უკავშირდება, იმ პერიოდიდან ძლიერდება ლაშარი, როგორც წმინდა სალოცავი, რომელიც არა მარტო ფშავლების, არამედ თითქმის მთელი აღმოსავლეთ საქართველოს მთიანეთის ერთ-ერთი უძლიერესი საკულტო ცენტრი იყო, რომელიც წარმართული სალოცავის მუხის ანგელოზის ადგილზე „ხმელ გორზე“ აუშენებიათ. თამარის ბრძანებით ეკლესია აუშენებიათ, რომლისთვისაც თამარს თავისი ძის, ლაშა-გიორგის სახელზე ვერცხლის ჯვარი შეუწირავს და ამ გორასაც ლაშარის ჯვარი დარქმევია (სერგი მაკალათია, „ფშავი“, გვ.21).

და პირადული პრობლემები

კურთხეული მოვლენაა მეფეთა ცხოვრების ისტორიაში. იგი სრულიად განსხვავდება თავის დრამატიზმით, ტრაგიზმით და შეყვარებულთა ერთმანეთისადმი ერთგულებით. ამას თვითონ მეფის პიროვნული თვისებებიც განაპირობებდა. „მეფე თითქმის თავისუფალ მოაზროვნედ და თავისებურ პიროვნებად მოჩანს“. ლაშა-გიორგის პიროვნულ თვისებებზე წყაროებში განსხვავებული მონაცემებია შემონახული. ერთნი მას ახასიათებენ როგორც გულისხმიერ, თავმდაბალ, თავისუფალი ნების კეთილადამიანად, მეორენი კი „უნესო დედათა“ მოყვარულ კაცად მოიხსენიებენ.

ძნელია რვა საუკუნის წინანდელი ჩანანერის იგნორირება, მაგრამ მისი დამაჯერებლობის გარკვევა შესაძლებელია, თუ გავითვალისწინებთ იმ პერიოდის პოლიტიკურ ვითარებას. ცნობილი ფაქტია, რომ ლაშა-გიორგის დის – რუსუდანის გუნდი ტახტის დასაუფლებლად მოქმედებს და ლაშა-გიორგის სიკვდილის შემდეგ (სავარაუდოა მის სიცოცხლეშიც) იგი თავისი პოლიტიკური ძალაუფლების მეშვეობით აუცილებლად შეეცდებოდა ლაშას სახელის კომპრომეტირებას, რაც ჯერ რუსუდანის, ხოლო შემდეგ მისი შვილის – დავით ნარინის გამეფებაში დაეხმარებოდა.

ცხადია, ლაშასადმი რუსუდან დედოფლის ასეთი დამოკიდებულების გამო მემატინე ვერ დაწერდა მეფის შესახებ დადებითს, პირიქით, შეეცდებოდა სახელი გაეტეხა მისთვის. ამიტომაც ლაშა-გიორგის ღვანლი საერთოდ იგნორირებული და დაფარულია.

მან დედამისთან თანამოსაყდრეობის დროს ბევრი სასიკეთო საქმე გააკეთა. აღსანიშნავია მისი წვლილი ტაძართა მშენებლობაში. მის სახელს უკავშირდება ქვათახევის, ბეთანიის, ნურულაშენის, დმანისის სიონის აშენება. ამ საკითხზე არც მემატინეები წერდნენ და არც მკვლევრები აქცევენ დიდ ყურადღებას. ეს ტაძრები ერთი ხუროთმოძღვრული სტილის ნაგებობებია, რომელიც მეცამეტე საუკუნეში ჩამოყალიბდა, ხოლო გიორგი 1206 წლიდან



ქართველები მონღოლების წინააღმდეგ. ცენტრში ლაშა-გიორგი. მინიატურა შაიტონ კოიკუსელისა

ათაბაგი, ვარამ გაგელი და ემუქრებოდნენ, რომ დარბაზობას აღარ დაესწრებოდნენ (ეს თვისება, როგორც ჩანს, ყოველთვის ჰქონდა ქართულ ხელისუფლებას) და „არა თავს ვიდებთო, ეტყოდეს, შენსა მეფედ ყოფასა“ (იქვე).

ლაშას მიერ ქალის სასახლეში მიყვანის შემდეგ ადვილი წარმოსადგენია ეს გაზულუქებული დიდებულები როგორ წინააღმდეგ. სწორედ აქ ვლინდება ლაშას სიყვარულისადმი ერთგულება, მისი ვაჟკაცური ბუნება და მამაკაცური ღირსება. მას უყვარს მშვენიერი ქალი და რომ გაუშვას, ეს იქნება მისი სიყვარულის დაღატი და კაცური ღირსების შელახვა. ბუნებრივია, იმ დიდებულთაგან, ვინც მეფეს ველისციხელი ქალის დაშვება მოსთხოვა, პირველი ათაბაგი იყო. სწორედ მისი თაოსნობით „შეკრიბეს კათალიკოსნი, ეპისკოპოსნი და ვაზირნი“ და მოსთხოვეს მეფეს გაეშვა

დესაც ნაიყვანეს ქალი, მაშინ წერს, რომ იგი ქმარს დაუბრუნეს. თუ ქმარი ჰყავდა ქალს, მაშინვე დააფიქსირებდნენ, რომ ქმარს წაართვა ცოლი. საფიქრებელია, რომ ქმარი დიდებულებმა შეურჩიეს ქალს, რომ მეფეს აღარ დაჰბრუნებოდა. ცხადია, იმ ქალს ქმარი თუ ადრევე ჰყავდა, შვილიც ეყოლებოდა. „ქალი არ ეყოლაო ქმარს. თუკი ის მისი ცოლი იყო ლაშას გაცნობამდე მისთვის ცოდვა არ იქნებოდა თავის კანონიერ ქმართან ცხოვრება. ეს ფაქტიც გვაჩვენებს, რომ ქალს ქმარი არ ჰყავდა მეფესთან შეხვედრამდე“ (ინაური).

ლაშა გიორგის სიყვარული ველისციხელი ქალისადმი დასტურდება კიდევ იმით, რომ მან საერთოდ აღარ შეირთო ცოლი. ლაშას სიკვდილის შემდეგ მქლავანდებ რუსუდანის ვერაგული ქმში გვირგვინოსანი ძმისადმი. იგი უკიდურესად უსამართლოდ და სადისტურად ეპყრობა ლაშას ძეს დავითს, რომლის აღზრდაცა და მეფედ დასამაც

ფშაველთა თავყანისცემა ლაშა-გიორგისადმი ჩანს აგრეთვე მათ მიერ ლაშას ველისციხელი ქალისადმი გამოვლენილ ზრუნვასა და პატივისცემაში. გადმოცემით, ის ქალი ალიკვეცა მონაზვნად ეკლესიაში, რომელსაც შემდეგში „ხარჭისო“ ეწოდებოდა. იგი მნიშვნელოვან საკულტო ცენტრად იქცა არაგვის ხეობაში, სადაც საეკლესიო ცხოვრებას განაგებდა წინამძღვარი ხარჭაშენელი, რომელიც თითქმის მთელ ხეობას აერთიანებდა. აქ, ამ მონასტერში, დაასრულა სიცოცხლე ლაშა-გიორგის საყვარელმა ქალმა – ხარჭამ, რომელსაც უფრო მეტი სტატუსი არ ედირსა თავისი საყვარელი რაინდის გვერდით. მაგრამ ლაშას მასთან ურთიერთობის ფონზე მეფის თავისუფალი სული, დემოკრატიული ხედვა, სიყვარულის ერთგულება და მამაკაცური ღირსება დღემდე უკვდავია ქართველი ერის ხსოვნაში.

ფანს-აღ-ღინ გორბანი

რედაქციისაგან:

როგორც ჩვენს მკითხველს მოეხსენება, გასული წლის ნოემბერში გამოვაქვეყნეთ ნაწყვეტი დიდი სპარსული პოეტის ფანს-აღ-ღინ გორბანის პოემიდან „ვისრამიანი“, რომელიც მსოფლიო ლიტერატურის შედეგად ითვლება და რომელიც ქართულად ითარგმნა XII საუკუნეში, სარგის თომგველის მიერ, თუმცა სპარსულად პოეტურად დაწერილი ტექსტი მთარგმნელმა პროზის სახით წარმოადგინა. მისი პოეტურად გარდაქმნა თავს იდო მწერალმა ანზორ სიფრაშვილმა და სწორედ მის მიერ შექმნილი ლექსითი ვარიანტის ნაწყვეტი დაიბეჭდა ჩვენს გაზეთში. ამჟამად მკითხველს ვთავაზობთ უკვე დაბეჭდილი ტექსტის გაგრძელებას. გვინდა დაინტერესებულ მკითხველს ვაცნობოთ, რომ ნაწყვეტები ამ მშვენიერი პოემიდან ჩვენი გაზეთის მომდევნო ნომრებშიც გამოქვეყნდება.

ვისრამიანი

„ესე ამბავი სპარსული, ქართულად ნათარგმანები, ვოვე და ლექსად გარდავთქვი, საქმე ვქმენ საქოჭმანები“
შ. რუსთაველი

წინა თავების მოკლე შინაარსი: სპარსეთს ფლობდა მეფე მორჭმული მოაბადი. ერთხელ იგი ეწვია ქალაქ მარავს და იხილა მეტად ლამაზი ქალი, სახელად შაპრო, რომელიც ძალზე მოეწონა და სთხოვა, თუ გყავს ან გეყოლება შენსავით ლამაზი ასული, მნებავს რომ იგი ჩემი ცოლი გახდესო. შაპრომ მიუგო, ასული არა მყავს, მაგრამ თუ შემეძინება, შენს გარდა ცოლად არავის გავატანო. ამის შემდეგ გავიდა ოცდაათი წელი და შაპროს შეეძინა ასული, რომელსაც ვისი დაარქვეს. იგი იზრდებოდა ძიძასთან, მეტად თავნება და ამპარტავანი, რაც ძიძამ ვისის დედას-შაპროს-წერილით აცნობა:

აქა ვისის ძიძისა წიგნი შაპროს-ვისის დედას-თანა მიწერილი

მიწერა: „ესე მიკვირს, მუცლითგან რა გიშობია, მოგიცია საზრდოდ, ძიძად ჩემი თავი გიჯობია, არ გინახავს, არც გიკითხავს, ჩემს გულს შუბი გისობია, არც რა ჩემთვის არ გიბოძავს, რა კაბა და რის ქობია,

თუ საყვარელ შვილს არ იტყვი, ესრეთ ქცევა სადა თქმულა, პირსა მისსა უებროსა, ქვეყნად ახლავ რომ განთქმულა, არ იქადი მისისაგან სილამაზედ რა ჩათქმულა, უწყი მობოლის სიყვარული არასოდეს არ დანთქმულა.

ვით ეგების ესრე გულქვად რომ ექცევი შვილსა შენსა, დაივინე რაც მე მომეც, ფიქრობ „-შაპრო დაარჩენსა“, შენ სხვა ვერვინ ვერას გიზამს,

თვით ქმნი შენსა განაჩენსა, ის კარგია, შენ ვერას იქმ რასამე მისსა შესაშენსა.

ან კი გაზრდილა ნებივრად მრავლითა უმრავლესითა, ყოვლითა სიამებელითა, არ ტანჯვითა და კენესითა, ამაღლდა მართვე შევარდნის ნებითა უმაღლესითა, მეშინის ისრ არ ამაღლდეს, აღარ გვიკადროს წესითა,

ვაითუ სადმე ნავიდეს, ეძებოს თავისაებრი, უწყი, ძნელია ეულად, გვერდით კი არარაებრი, რაც უნდა მოხდეს-მოხდება, კანონი არი ღვთაებრი, ნურვინ იქნება ამაყი, ამპარტავანი, მზვებრი.

ეგე ასული პირმშვენი ან გამიზრდია ნაზობით, არ იყო გულნაკლულე სტუმრობით, ან დარბაზობით, ყოველი ჰქონდა საკმაო საქმელ-სასამელი კმაზობით, რაიც გამაჩნდა, მისად ვთქვენ ნაქარგობით და ხაზობით.

ან ჩვენი აღარა მოსწონს, არცა რა ტანისამოსი, ნებიერია უსწორო, მუდამ მძებნელი ამოსი, არცა სასამელი-ჭამადი, გვეშინის არ იხამოსი, თუმცა ღვთით გვაქვის ყოველი, მაინც გვეშინის წამოსი.

თუცა მართო საცემელი აუგს დებს სამოცთა ფერთა: ყვითელი-ფერი სწეულთა, - იტყვის, - ვერა ვიქმ ჩემფერთა, წითელი ბოზთა ფერია, რას ვაქნევ მათთა საფერთა, ლურჯია მგლოვიარეთა, ვერა ვიქმ, არ მგამს ამფერთა.

თეთრსა იცმევენ ბერანი, ორფერსა - მწინობარანი, ველარ შევიგნეთ რა მოსწონს, რომელს უბრწყინვებს ფარანი, დილით მონათ და მხევალთა ითხოვს, არ იცის კმარანი, პარირის ნებავს სამოსი, ძვირფასი ზედ ქამარანი.

შუადღეს ოქროქსოვილსა, საღამოს - ოქსინოსისა, ყოველ წამს და წამს თვითო ფერს, სასტუმროს, აბანოს ისა, ზოგჯერ ხარასა, მანავსა, მთლად უცხოდ შეიშოსისა, სადაცა მიდის, წინ უძღვის ხმა დუმბულის და ქოსისა.

ოდეს დრო არის მოვიდოთ სადილი პურის ჭამითა, ბრძანებს მორთვან ჭურჭელი ოქროს ტაბაკით, ჯამითა, არად მიაჩნის სხვაგვარად, უყვამო არს თუ უამითა, სხვაგვარად არ კმაყოფილი კმაყოფილი არს ამითა.

ახლა მხევალნი, კეკლუცნი! ორმოცდაათნი მონანი, ოქროის სარტყელებითა, ერთ-ერთს არ მჯობნი, სწორანი, ატლას-ოქსინო მოსილნი, არც ერთს არ ჰქონდის კრთომანი, ნადიმად ქალი ოთხმოცი, ლამაზნი, თვალთა ნდომანი.

მეტსა მე მას ვერ გავუძლებ, მივართმევ ვერც ველარასა, ვინა ვარ რომ მასა ვზრდიდე, ან წარმოვადგენ მე რასა? რა ნაიკითხო ეს წიგნი, ჰკარ ბუქსა და ნალარასა: თათბირი ქენ, ნაიყვანე, ნუ შემომითვლი არასა.

რაიც არ უნდა ვეცადო, უკვე ვარ შემძლე მე რისა, იქმნიან თითნი ხეირსა თავისა თუნდ ოხერისა? ათი ათასი ვარსკვლავი არ ტოლ არს ერთ მზის ფერისა, რაც უნდ მიყვარდეს, ან ველარ მივსცე ყოფნა ქვე ჭყრისა“.

მისცა ეს წიგნი ფაიქსა, უბრძანა სწრაფი წასვლანი, უწყოდა შაპროს სამყოფი, არა სჭიროდა სწავლანი, შეასახელა, შეჰპირდა - გექნების მრავლად დავლანი, არ მოგერიდოს, შენია გზანი და გზისა ავლანი.

რა ცნა ასულის ქებანი, მისი გაზრდა და მშვენება, შაპრომან განიხარნა და ძღვნად მრავალი რამ ენება, მწიგნობარს თავი გადასცა, ოქრო და ოქროსფენება, სხვა საქონელი, ცხენები, რომელთ ვერ დალლით ჭენება.

ვისის სამგზავროდ ოქროსი გაგზავნა ტახტრევანი, იგი მეფისა ასული მეფურად მოსაყვანია, მსახურ-მხვეალნი, მცველები, მრავალნი, ვითარც ქენია. უბრძანა:“- მსწრაფლ იარენით, არსად დაგადოთ ხანია“.

ძიძასაც მისცა აქლემნი ოქროთი, მარგალიტითა, ჯორებზე სკივრნი თვლებითა, არ დაკეტილი კლიტითა, იარეს მათაც ჩქარობით, ვერვინ ენივენეს ჩიტითა, ჰამიანს შემოიყვანეს ვისი, ტკბებიან ჭყრითითა.

აქა ხუზისტანით მოყვანა ვისისა ჰამიანის ქალაქსა

რა შაპრომ ნახა ასული, მისი პირი და ტანია, ღმერთს ხელაპყრობით მადლი სცა, თქვა: - შენი მონატანია, შეულოცა და შეჰბერა - არ მიხვდეს მას სატანია, თვალნი არ ეცეს, რამეთუ ბოროტს ხან გაუტანია.

გლახაკთა ზედა მრავალი ოქრო და ვერცხლი გასცა მან, მზე, მთვარე და ვარსკვლავები მალდა, ზეგარდმო ლოცა მან, ადიდებდა და აქებდა: ან გადმოხვდა მე ცამან, ღმერთზე ამბობდა, ვმადლობო, მომცა, მიბოძა რაცა მან.

დაიდგა ტახტი წინაშე, წამობრძანა ზედ ვისი, ხედავს ქალია უზადო, ამქვეყნად მსგავი არვისი, არვინ სჯობია კეკლუცი, ვინც იცის ფასი თავისი, მზე მას ედრება, იგი - მზეს, ცილობენ რა - მზე, რა - ვისი.

ვით მოყვარულმა მშობელმა, სცხო ასული მუშკი - ამბარი, მრავალი სხვა სურნელეზა, ნაზი, ცივი თუ გამთბარი, ოქრო-ქსოვილით შემოსა, თვალთ მით იყო დამტკბარი, ესრე შეკაზმა, ვერ სჯობდეს სპასპეტი თუ ამირბარი,

მრავალფერი და ფერადი, ვით სახე მანი ჩინელის, მიმზიდველი და უმანკო, ლამაზი, არსაშინელი, თვალნი ამო და კეკლუცნი, ავისა არ მოწილენი, მოსწონდეს მნახველს ყოველსა, არვისთვის არმოცილენი.

რაც უფრო მეტად ჰკაზმავენ, უფრო და უფრო მშვენდების, მზე უმისოდ ვერ ამოდის, ამოდის - ვერა თენდების, მისი სახისა შემყურე კოშკნი თავისით შენდების, ვეფხი არა თომბს საჭყრეტელს, მერანი არა ჭენდების.

მის დანახვებზე ამაყი ოქრო განითლდეს სირცხვილით, ხენი ძირს ხრიან ტოტებსა, ვარდნი ჭქენებიან სიჩვილით, ყანდი გამწარდის, აწილა ვერავინ ჰპოებს სიტკბილით, ქურციკი ბალახს აღარ სძოვს, უკუ მიილტვის სირბილით.

რა ნახა დედამ ასული შეენება-მოჭარბებული, არქვა: - ჰე, მშვენი ქვეყნისა! მამით ხარ ყოვლგნით ქებული, იგი - ხელმწიფე ხვასროვი, ყველასგან განდიდებული, დედა გყავს გვარიანი და დედოფლად აღზევებული,

ხარ კეკლუცი და უებრო, ანგელოზთაგან ნაფერი, მინასა ზედა ამქვეყნად ვერ ვნახოთ შენი საფერი, არ ეგების რომ მას მიგცე, ვინცა არს შენი უფერი, ვერვინ გაგინევეს ჯუფთობას, არ მეგულება შენფერი.

მხოლოდ ვიროა, ჩემი ძე, რომელი შენი სწორია, მინდა ეცლოდ იმასა, ნამდვილი, არა ჭორია, ის ქმარი და შენ მის ცოლი - ერთნი იყავით ორია, ვფიქრობ, ქორწილი სათქვენო ახლოა, არა შორია,

ნატამალს გაგვიმრავლებდე - გავიხარებდე მზახობით, შენ, დაი მისი - ცოლ იყავ, შენ, მიმზიდველო სახობით, ჩემიცა რძალი იქნები, აროდეს გეტყვი ახობით, ჩემი შვილი და ასული, არ დაგლლი მე უმზახობით.

ჩემი ასული - რძალი და ყოვლგვარად ხარ მშვენიერი, როს ჩემს სანდოსა მე შეერთავ სანდოს - მით ვარ ბედნიერი, ამ დროს აქვს ჩემსა სანუთროს ყოვლად სისრულის იერი, შევედრი ღმერთსა ესრეთა იქმიდეს, არის ღვთიერი.

რა ესე სიტყვა ვისისა ესმა - განითლდა სირცხვილით, გულმიგან ცეცხლი ჩაეგზნა ძმისა მისისა სურვილით, ანთო სიყვარულისგან და მსწრაფლ ნახვისა წყურვილით, აღარა უთხრა პასუხად, უხმობით არს შეჭურვილი,

იგრძნეს დედათა სხვათაცა რად არის ჩუმად ქალია, - ნდომისა ნიშანი არის, ლამისა სული დალია, დედამაც აგრე შეუტყო, სხვა ფიქრისთვის არ სცალია, თავადაც ბეგრის მნახველსა არად შემოლა კვალია,

ოდეს დასტურად მიიღო ქალისგან ნდომა ვიროსი, უხმო მუნეჯიმთ, მეცნიერთ, არად ჩააგდო ტაროსი, ჰემიანით და გორაბით, წიგნებით მრავალ თაროსი,

ზოგს რამლი მოაქვს საყრელი, ზოგს ძვალი და ავგაროსი.

უბრძანა: - მოდით, გამიგეთ ეტლი მათ ქორწილისანი, ვისი არჩივნი არიან, ანდა ბედი აქვთ რისანი, რომელს რა ნაეკიდების, ვის ხვდების რისხვა მტრისანი, ვითარ არს ბედის ვარსკვლავი ვისისა - ვიროსისანი.

მათაც გასინჯეს ეტლი და უზამენეს დღე სვიანი, რომელ დღე იქნეს კეთილი, მზიანი, არ რისხვიანი, მივიდა თავად შაპროცა, არ იყო ფამი გვიანი, დარბაზსა ზედა კოშკი დგა, ჰქონდა მას კიბე ხვიანი.

უხმო შაპრომან თვისსა ძეს და ასულსაცა თავისსა, უყურებს, უჭყრეტს ორივეს, ხან ვიროსა და ხან ვისსა, უხარის, ტკბება, რამეთუ გრძობს სიხარულსა არსხვისსა, არა ჰპორჩილობს არავის, ეკითხვის არც არავისსა.

კოშკიგან სხედან სამნივე: სიდედრი, მასთან დედაცა, ასული ვისი, რომელი იყო მის რძალი ზედაცა, ხოლო ძე, ვირო - სიძეა, ცოლი კი მისი - ზე დაცა, ვითარც ზოგი რამ ბუჩქია, მაგრამ ითქმების ხედაცა.

ვითარც ვთქვით, შაპრო დედაა, თუმცა არს დედამთილიცა, მას უმზერს ყოველი ყვავილი, ახლო - შორს მდგარი მტილიცა, რაც უნდა მოხდეს - მოხდება, ამბავი მწარეც, ტკბილიცა, რა ქარიშხალი მოვარდეს, სქელიც განყდება, წვრილიცა.

აილო შაპრომ ვისისა ხელი და მისცა ვიროსა, დალოცა, უთხრა: - ამბავი თქვენი ვინ გაიკვიროსა, თქვენი აუგი ნუ მესმას, ნურც ნურვინ დაიყვიროსა, ან ცოლ-ქმარი ხართ და მეცა გეტყვი სათქმელსა ძვიროსა:

ერთმანერთისა არა ხართ უმეცარნი და უცხონი, რძალსა არ უნდა შეკაზმვა, ღანვ-ლოყას რა წაუცხონი, იგი თვით ღმერთმა მოკაზმა, თვალ-ნარბი აქვს საუცხონი, ქონება მისი მრავალი, უთვლელო და ურიცხვონი,

ანცა თქვენ ორნი ერთნი ხართ, არ გინდათ შუამდგომელი, არცა ვინ მოწმე - ღმერთთა თქვენი ერთობის დომომელი, კმა არის იგი თქვენთვისა, და კიდევ მასთან მყოფელი ანგელოზთ დასი ღვთიური, ან ვინ შეგრისხავთ, რომელი.

დალოცნა შაპრომ ორნივე, მთქმელმან, მეედრულმან ამისი: „დამბადებულმან განხარენს, წყენა არ გქონდეთ წამისი, მრავალნი შეილნი მიჩვენოს თქვენი, დედის და მამისი, გამაჩრდევინოს, ვით მე მსურს, ძენი რა შენი, რა მისი“.

აქა ქორწილი ვისისა და ძმისა მისისა ვიროსი და მოაბადის ძმისა ზარდის მოციქულად მოსვლა

ან მოგახსენებ სიმართლეს სიბრძნისას ცხოვრებისასა: რა მართლად არა დარგავენ - ნახვენ სიმრულეს ხისასა, თავშივე კარგად გამოჩნდის მოხდენა რამ საქმისასა, ზამთარში ჩანს თუ ზაფხული ნახდების მზით გვალვისასა.

მშვილდის მოზიდვას ეტყობა მართლად თუ ნავა ისარი, ნაყოფი ვითარ გამოვა - ნახე ხე წამისარი, ესრეთ ვისისა საქმე ჩანს სულ სხვაა, არა ის არი, რამეთუ ის არ მიიღო ელოდა რას კეისარი.

არსვიანია შაპროსი ესე საქმენი, მწარია, ისე გაუხდა, უჯობს რომ, ეძებოს მან ბანარია, ლამის თავის თავს უწოდის გიჟი და გარენარია, რომ არ დაფიქრდა და ყოველი აგრე უაზროდ წარია.

ოდეს ვისსა და ვიროსა ერთ-ერთის ჩაუდგა ხელი, მოკაზმა საქორწილოდ და ცოლ-ქმრის უნოდა სახელი, მოვიდნენ დიდებულები, ხუზისტანელი, ბალხელი, სუფრაც სავსეა ხორავით, მრავლად ნაკაზმი, ნახელი.

დრო იყო სიხარულისა, პურის ჭამისა და სმისა, ვიროსის ნეფედ და ვისის, დედოფლად ერთად დასმისა, გარნა ანაზდად ხედავენ: ფამი შავის წამისა, არა ქორწილის, ნადიმის, არც როკვის, ფეხის გასმისა,

ხედავენ: ზღვიდან ღრუბელი გამოჩნდა შავზე შავია, ვითარცა რისხვა, ბოროტი, თუმც ვის რა დაუშავია, დღე კი ნათელი, მზიანი, იდგა, არა პირშავია, თუმც ყველას ასრე ეგონა, დაგვიდგა ვაი-შავია,

დაბნულდა მთელი ქვეყანა, დადგა რა მტვერი, რა ქარი, ერთმანეთს ველარ ხედიდეს გლეხი, ვაჭარი, ამქარი, გარბიან მექორწილენი, ძირს კიბა ხმალი ქორაფქარი, ფიქრობენ: რა დავაშავეთ, რა ცვოდეთ ან რა მიექარი,

გზად კაცი ვინმე მოვიდა, შავითა შეკაზმულევი, შავსა ცხენს მჯდომი, უნაგირს თვალ-მარგალიტი უღევი, შავი აბჯარი ემოსა, ფერზედ არ ნამარხულევი, ყოვლად საამო ტანითა, არვისგან დანაკრულევი,

იისა ფერსა ტახტრევანს მოაცორეებდა ცხენითა, უკან მოსდევდა მსახური სავსე ძვირფასი ძღვენითა, მოაბადისა წიგნს აჩენს, მოდის კიბით და ლხენითა, მისსა ქცევას და საუბარს ვერავინ აღწერს ენითა.

მოციქულობდეს მოაბადს, ვითარცა ძმა და ვაზირი, წარუდგა შაპროს ზვიადად, საამო იყო სამზირი, ცხენდალმა წიგნსა გადასცემს ზემოდან ქვემო დამზირი, ნათლად ხედავენ ყოველნი, არ უნდათ ჭოგრი, სამზირი.

შენდობას ითხოვს, რამეთუ ცხენიდან უთხრას სათქმელი, დიდის თავაზით მისადმი თავსა იხანდა სარქმელი, „ასრე ბრძანება შაპისგან მაქვს, მე ვარ მისი განმთქმელი, ვინცა სხვამ განთქვას, უწყოდეს,

ცეცხლია მისი დამთქმელი.

დღე და ღამ მოვისწრაფოდი, დროს არ ვკარგავდი ჭამითა, ბევრი დამვარდა ცხენები, არ მძინებია წამითა, თვალ-მარგალიტი ძვირფასი მომითმევია ჯა-





მითა, ა, ნაიკითხე ეს წიგნი, ყოველს შეიტყობ ამითა“.

ბეჭედი მოხსნეს მას წიგნსა, ნახეს სიტყვანი ჰამობდა, გარნა შაჰროსთვის ის დილა მწარტ უმწარესად ლამობდა, ვით ვირი, მთლად მოკარტული, ტალახში ვერას ჩქამობდა, სხვა დაატყვა თავის თავს, თუშეცა კი სხვასა ლამობდა,

იგნა თავისი ნაწერი წიგნს შიგა მოაბადისა, იწყო წყევანი თავისა, ეგრეთვე მან დაბადისა, გაეხა დიდსა მახესა, არ არს დამლწვეი ბადისა, აღარა ძალუხს რამის თქმა, ფერი აქვს ცვალებადისა,

იმ ფიცის წიგნში პირველი ღმრთისა სახელი ეწერა, შაჰროს ნათქვამი მოაბადს მისთვისვე კვლავ მოეწერა, მის, სამართლისა მოქმედის, რომლის სიტყვა მან აღწერა, მარად რომ მართალს შეიქმს და არა ხამს მისი ჩაწერა.

მართლის მოქმედმა უფალმა ყოველგნით უსაზომონი კაცთ სამართალი უბრძანა, არვინ დაისვას ბომონი, ცა და ქვეყანა მართალი შექმნა, ისაა მომგონი, თმისოდენიცა სიმრუდე არ მოგვცა სათაკილონი.

ვითა ქვეყანა სიმართლით შეამყო, შეასურათა, კაცთაგან ვერცე მართლის ქმნას ბრძანებს, ამოსვლას ჭურათა, მითი გვწინამძღრობს უფალი, მომცემი მართლის სურათა, ის გვაძლევს ძლევის გვირგვინთა, კაცობრივ დასახურათა,

არა არის რა ამქვეყნად სიმართლისებრი რაიმე, მართალს მატება არა აქვს, ვერ ვნებს „უი“ და „ვაიმე“, გარნა არც კლება იცისა, ვერავინ იტყვის: „ვა, იმე!“ სიმართლეს მუდამ ერთია, მასთან არ ვუნყი სხვაი მე.

„შაჰრო, მე შენგან სიმართლეს ვეძებ ამდენი წელია, ესე ხანგრძლივი ხსოვნა მე მრავალჯერ გამიწელია, მზახობას ზედა ვიფიცეთ, გვექონდა ამისი წელია, შუამდგომლად თვით ღმერთი გვყავს, უბრალო არ კენელია.

დაეწერეთ წიგნი საფიცი ვერვისგან მისაკარები, რად დაივიწყე ან ღმერთი, რად დაიხურე კარები, რად გამიტყეხე ალთქმა და ფიცი რად ასამარები, დაიგვიანებ, უწყოდე თუკი არ მიეჩქარები.

შემირთავს შენი ასული, მეოცდაათ წელს ნაშობი, ღმერთმა მე მომცა ნაზარდი, ნაფერებ-ნათამაშობი, სხვაგვარ ღმერთი არ მოგცემდა, მისდაგვარს ანიცვერ შობი, მე დია მემზიარულა, არვინ არს ჩემ ხმის ჩამხშობი.

ეს ღმერთმა შემწყალა და ასრულდა ჩემი იმედი, რამეთუ გლახაკთ ვუბოძე მე ფასი არამცირედი, მონყალუბითა ღმერთისგან სამოთხის კარსა მივედი, ან ეგ ასული კეკლუცი მეტურფის, ვითარცა გედი,

ეგე ასული ჩემია, შენ მე აღმითქვი ცოლადა, ამიტომ აღარ მწადიან კვლავცა შენთან ყოლადა, შეკრიბე მისი მსახურნი მასთან გამოსაყოლადა, ჩემი რაც არის – მე მომეცე, ჩემს სარეცელზე მწოლადა.

კიდევ იმითომ მწადია გამომიგზავნო ეგე მე, რამეთუ ამაღლ ნათქვამი დია სიმართლედ ვიგე მე, თქვენი მხარისა ამბავი უკვე ვისმინე, ვიგემე, სიმართლის კოშკი ნამდვილი სიცრუედ არ ავიგე მე,

თქვენი ყრმანიც და უფროსიც დედათმოყვარე არია, კაცთა მრავალჯერ დედათა თავს ლაფი ასხეს მწარია, თავად დედანიც გულჩვილინი, არა უწყიან ქმარია, თავ მისცენ ჰამო სიტყვაზედ, არა უწყიან ვარია.

დაიცი, თუნდაც ფრთხილი და გონიერიცა იყოსა, კაცისა ვნით ძაბუნი იქნების, იზამს ბრიყოსა, კაცი ეფიცის: „– უშენოდ, ვა თუ მე ბედმა მრიყოსა, დაეშდურდები ტრფობისგან, ვერ გავეცევი ჩიყოსა.

ძლივსა გიმოვე კეკლუცი, მოვთქვამ დღე, ვტირი ღამეო, შე, ვკვდები სიყვარულისგან, იქნებ მიწამლო რამეო, დაღრეჯითა ვზი, ვით შმაგი, მოდი, ხმა მაინც გამეო, მტერიც მიბრალებს, მეწყალვის, მაგრამ კი მაინც ვა მეო.

სიყვარულისგან მოვეკვდები, თუკი არ შეგეცოდები, სულ შენთვის მომიძღვენია მე სიყვარულის ოდები, შენია ჩემი სვე-ბედი, ტირილი, ოხვრა, გოდები, მეც ხომ ადამის შვილი ვარ, თუ კაცად არ გეწოდები?“

ამის გამგონე დაიცი, პატიოსნებით ცნობილი, მაინც მოლორდის, მოყვირდის, ამო სიტყვებით ხმობილი, უფროსოდის ამგვარ საქმესა, დედაა თუ დედობილი, ვერვის ენდობის ვინც იყოს, მეგობარი და დობილი.

მეცა მეშინის ამგვარად საქმისა წარმართებისა, შენცა გეშინოს ბედისა ნინ-უკმო წაღმართებისა, ველსა ნაწვევი შედრება ნინაშე აღმართებისა, მართალთა რწმენას ზოგჯერა ძლევს ნესი წარმართებისა.

ნულარ დაიჭერ ვისის მანდ, გამომიგზავნე გზებითა, ნუცა ისურვებ გადუდეგ მცველებით, ნაგაზებითა, ნურცა უარის სიტყვებსა ამოჰვლეჯ პირს გაზებითა, დე, ნამოვიდეს სიცილით, სიტკბოთი, განაზებითა.

ნურც ზითვეს ნუ შეიჭირვებ, ოქრო და მარგალიტები მეცა ბევრი მაქვს საჭურჭლეს, ასხია მრავლად კლიტები, არა მინდარა მის მეტი, მის ნდომას ვერ ვესხლიტები, უმისოდ ვიცი ვერ გაეძლებ, გაუხდები, დავილიტები.

მას მივცემ ჩემსა საგანძურს, შენცა მოგართმევ მრავლადა, იმდენს – ქალაქი ააგო, კომკად, სახლად და თავლადა, ყველა გაქებდეს, გამკობდეს, შენდა ნატრობდეს გავლადა, თავსა ვერავინ დაგფრენდეს, ყვავსაც ეშინოს ჩხავლადა.

შენად დაგიწერ ქვეყანას, მოგართმევ მას მამულობით, მორჭმით დაგვამ და აზატად დაგიწერ იმას სრულობით, ვიროს ძმასავით დავიჭერ, არ სწუხდეს ფერნასულობით, ჩემი გვარისას ცოლს მივცემ, გულსა გავუღებ გულობით“...
პოეტურად გარდაქმნა ანზორ სიფრაშვილიმ
გაგრძელება იქნება

წერილობითი წყაროების მიხედვით, შიდა ქართლის მხარეში მთელი რიგი გეოგრაფიული სახელებია წარმოდგენილი, რომელთა გამოვლენა, ლოკალიზაცია, ფრიად საშური საქმეა.

ზოგი სახელი ყალიბდებოდა ათასეული წლების განმავლობაში, რამდენიმე დღესაცაა შემორჩენილი, ზოგი, მთელი რიგი პოლიტიკური მოვლენების შედეგად, აღარ არის ან სხვა დასახლებას შეერწყა. ზოგმა სახელი შეიცვალა გარედან მოსული ადამიანების მიერ. თითოეული მოვლენა დამახასიათებელია ხსენებული რეგიონის ხეობებისათვის, რაც განპირობებულია ბუნებრივი და ისტორიული მოვლენებით.

ასეთ დროს საჭიროა კომპლექსური მიდგომა. აუცილებელია ნასოფლარების, საკულტო ძეგლების, ნაგებობების დალაგება - შედარება, კარტოგრაფიული მასალების მოხმობა, მთელი რიგი ძეგლების მოხსენებები. ამჯერად ყურადღებას შევა-

შიდა ქართლის სოფლები, ნასოფლარები, მათი ლოკალიზაცია

ჩერებთ შიდა ქართლის ერთ-ერთ ნასოფლარზე.

ნასოფლარი თვალათუბანი

გორის სოფელ შინდისის სამხრეთ-დასავლეთ ნაწილში იგი აღნიშნულია ვახუშტი ბაგრატიონის მიერ 1745 წელს შედგენილ რუკაზე.¹

ვახუშტი ბაგრატიონის „საქართველოს გეოგრაფიას“ დართული „დიდი ლიხვით მრწყველი სოფლების“ ჩამონათვალში მეთორმეტე ნომრად აღნიშნულია თვალათუბანი.²

როგორც მოქმედი სოფელი, ასევე აღნიშნულია იოანე ბაგრატიონის თხზულებაში.³

1818 წლის რუსული კამერალური აღწერის მიხედვით სოფელ თვალათუბანში ცხოვრობდნენ: ელიზბარ ციციშვილის გლეხები, გოგია დაბრუნდაშვილი, გაბრიელ ჯობინაშვილი, ცოლი, ძმა დავით, დედა მათა; ბერო სულეიმანაშვილი, ცოლი, შვილები თევდორე, ტეტია; მოსე ხუციშვილი, ცოლი, ქალიშვილი, შვილები დავით, სოსია; ნინია ხუციშვილი, ცოლი, ვაჟი გიორგი; გივი ხუციშვილი, ცოლი, ძმები იორდანე, პავლე, დიმიტრი; ვასილი ლაბარაშვილი, ცოლი, ქალიშვილი; ივანე გოლიტაშვილი, ვაჟები გლახო, სიმონი; თევდორე კაპუხაშვილი, ვაჟები ივანე, სოსია;⁴

როგორც ნასოფლარში ადრე მცხოვრები ინფორმატორი (ი. თვალაშვილი) გვატყობინებს, დაახლოებით 250 წლის წინათ მათი წინაპრები ცხოვრობდნენ დღევანდელ ნასოფლარ თვალათუბანის ტერიტორიაზე გვარად მაისურაძეები, რომლებიც დაპირისპირებულები იყვნენ მეზობელი საქაშეთის მოსახლეობასთან. ამის გამო მიიღეს გადაწყვეტილება და გადმოსახლდნენ დღევანდელი შინდისის ტერიტორიაზე. მათი გვარის ზოგიერთი პირი შერქმე-

ული გვარით – თვალაშვილი დარეგისტრირდა – დაფუძნდა შინდისში. მათი ბიძაშვილები არიან როგორც თვალაშვილები, ისე მაისურაძეები. ხსენებული ინფორმაციის მომცემის მამა, პაპა თვალაშვილები არიან, ხოლო პაპის ძმის შთამომავლები – მაისურაძეები, ესენი ისედაც ნათესაობდნენ ერთმანეთთან. თვალათუბანში მცხოვრები ხუციშვილები, მახვილაძეები, მთიულეშვილები, კანუხაშვილები მთლიანად გადასახლდნენ სოფელ შინდისში.

ნასოფლარის ტერიტორიაზე დგას წმინდა ნიკოლოზის სახელობის ეკლესია. თარიღდება გვიანფეოდალური ხანით, დარბაზულია, სიგრძე რვა მეტრი, სიგანე ხუთი მეტრი, სიმაღლე ექვსი მეტრი. რესტავრაცია გაუკეთდა ძველად იქ მცხოვრები შთამომავლების ძალისხმევით 1995 წელს, კერძოდ, მუჭაურისა და არჩილ მთიულეშვილის მიერ.

ნასოფლარში დღესაც არის საფლავის ქვები, რომლებსაც ძირითადად ზემო ნიქოზში ცხოვრობდნენ, 1626-1679 წლების საბუთებში დასახელებულია კაცია დიასამიძე და მისი ძმა დიასი, ასევე მამულები ჰქონდათ ფრონეს ხეობის სოფელ დვანში და შიდა ქართლის სოფელ შინდისში, ტყვიავში, საქაშეთში. დიასამიძეები ასევე ცხოვრობდნენ იმერეთშიც.
1804 წლის რუსული კამერალური აღწერის მიხედვით შინდისისა და თვალათუბანის მამულებს ფლობდნენ თავადი მაჩაბლები, ციციშვილები, აზნაურები: მახვილაძეები, მირზაშვილები, გარსევანიშვილები.
ზემოსხენებულ დოკუმენტებში დასახელებულნი არიან: მიხეილ მაჩაბელი, ესტატე ციციშვილი, ღვთისაი მირზაშვილი, ნიკოლოზ გარსევანიშვილი და სხვები. ამ უკანასკნელი გვარის წინაპარია ბერძენი ღვთისმსახური ფილიმონი, რომელიც ბიზანტიის იმპერატორმა თავის ქალიშვილს ელენეს როცა საქართველოს მეფის ბაგრატ IV- ის მეუღლე გახდა,

მზითვეში გამოაყოლა და ამავე დროს იყო ოქონის ხატის მცველი. ბაგრატ მეოთხემ ფილმონს უბოძა აზნაურობა და ამოწყვეტილი აზნაურის გარსევანის მამულები უბოძა და გვარიც აქედან მიიღეს – გარსევანიშვილობა. ამჟამად შინდისში ამ გვარის 7 ოჯახი ცხოვრობს.

გორიჯვრის უბანში თვალათუბნიდან შინდისში გადმოსახლებული კანუხაშვილების სამი ოჯახი ცხოვრობს და იწოდებიან, როგორც კანუხანთი.

თვალათუბნიდან არიან ასევე შინდისში გადმოსული მთიულეშვილები. როგორც ინფორმატორი მოგვითხრობს, მათი გვარი არის არაგვის ხეობიდან, კერძოდ, მთიულეთიდან და გვარიც ამის მიხედვით არის ნანარმოები.

დღეს შინდისში ასევე გადმოსახლებულია სოლომონაშვილი, სულ ორი ოჯახი და ხშირად მიდიან ძველ საცხოვრისში წმინდა გიორგის ეკლესიაში. ამ გვარის ადამიანები ძველად იყვნენ სულემიანაშვილები, დღეს სოლომონაშვილებია.

შინდისში მცხოვრები ხუციშვილებიც მოსულები არიან თვალათუბნიდან და იწოდებიან როგორც ხუციანთი.

ნასოფლარ თვალათუბნისა და სოფელ შინდისის შესახებ შინდისის მკვიდრმა გიორგი გარსევანიშვილმა 2015 წელს გამოაქვეყნა გზამკვლევი სათაურით „შინდისი და შინდისელები“. 1818 წლის რუსული კამერალური აღწერის მიხედვით, სოფელ თვალათუბანში ცხოვრობდნენ:

ელიზბარ ციციშვილის გლეხები: გოგია დაბრუნდაშვილი, გაბრიელ ჯობინაშვილი, ძმა დავით და დედა მათა.

ბერო სულეიმანაშვილი, ცოლი, შვილები თევდორე, ტეტია.

მოსე, ნინია, გივი ხუციშვილი და მათი შვილები.

ვასილ ლაბარაშვილი, რომლის შთამომავლებიც დღეს სოფელ შინდისში იწოდებიან ლაბარაშვილებად.

ივანე გოლიტაშვილი, დღეს იწოდება გულიტაშვილად.⁶

ნიკოლოზ ოთინაშვილი გიორგი ბარსევიანიშვილი

¹ ვახუშტი. რუკები. 1745.
² ვახუშტი, საქ. გეოგრაფია, თბ, 1997, გვ.207.
³ ი. ბაგრატიონი, ქართლ-კახეთის აღწერა, თბ, 1986, გვ. 41.
⁴ ი. ალიმბარაშვილი, შიდა ქართლის (გორის მაზრის) მოსახლეობა, XIX საუკუნის პირველ ოცნახეობაში რუსული კამერალური აღწერების მიხედვით, გსსუ, 2021, გვ. 505.

⁵ ი. ბაგრატიონი, შემოკლებითი აღწერა საქართველოს შინა მცხოვრებთა თავადთა და აზნაურთა გვარებისა, თბ. 1997, გვ. 61.

⁶ ი. ალიმბარაშვილი, შიდა ქართლის (გორის მაზრის) მოსახლეობა, XIX საუკუნის პირველ ოცნახეობაში რუსული კამერალური აღწერების მიხედვით, გსსუ, 2021, გვ. 507.

კახაბერ ჯაყელი

მეთხუთმეტე საუკუნიდან, საქართველოს თავზე შავი ღრუბლებია მოჯარული. ქვეყანას განადგურებას უპირებს ვეება სპარსეთის იმპერია. აქვე, დასავლეთისა და სამხრეთის მიმართულებით, ოსმალეთის იმპერია წამოიშრება ევროპის და ევროპული ცივილიზაციის საფრთხედ. ჩვენ ბიზანტია დავიწყებთ, რომელიც არის მეორე რომი, მაგრამ ჩვენ მალე პირველ რომსაც დავიწყებთ! – ეუბნება ოსმალეთის იმპერიის ცნობილი ელჩი, იანჩარყოფილი, რომის კარდინალს პაპის მოსაცდელში! ეს ხდება, ეგრეთ წოდებულ „კასტელ დელა ანჯელოს“, ანუ ანგელოზების ციხე-დარბაზის სასახლეში, რომელიც რომს გადაჰყურებს. კასტელ დელა ანჯელოდან რომი მოსწანს, როგორც ჯერაც მიუღწეველი, ხარბი დრტინვა ოსმალელებს.

სხვათა შორის, ეს ოსმალე ელჩი არ არის მთლად თურქი, თურქმანი ან თურქოპული, როგორც ამას შუასაუკუნეებში ამბობდნენ. ეს ელჩი, როგორც უმეტესი

მოატრიალებს, რომ არეშელების ერთ მისხალსაც ხელს არ ჰკიდებს.

ამგვარი რაინდული ლაშქრობის შემდეგ მესხებისა და ყვარყვარე ჯაყელის სახელი ერთი ორად მატულობს მთელს კავკასიასა და მცირე აზიაში. შემდეგ უკვე 100 წელს მიტანებული ყვარყვარე ჯაყელი თურქებს შემოუტრიალდება. აი რას ამბობს იმდროინდელი სომეხი მემატიანე ყვარყვარეს ამ ლაშქრობაზე: „აი წამოვიდა პატრონი ყვარყვარე 30 000 მხედრობით და ქალაქი არზრუმი ხელში ჩაიგდო“. ოსმალეებმა არზრუმიდან სასწრაფოდ უკან დაიხიეს. შემდეგ ყვარყვარეს კიდევ ერთი ლაშქრობა მოუწყვია არარატის მხარეში: დაიბანაკა მისმა სამხედრო ძალამ ამ წმინდა მთის მიდამოებში და იქიდან თურქებზე იერიშები დაიწყო. სომეხები გახარებული იყვნენ, რომ ყვარყვარე მათ საუკუნოვან მტერს ასე წარმატებულად ამარცხებს და არარატიდან ასახლებს.

ამავე დროს ათაბაგი ყვარყვარე ჯაყელი, თავისი დროის ყველაზე დიდი ქართველი მხედართმთავარი და პოლიტიკური მოღვაწე, კარგად გრძობს ოსმალთა სამ-

ყვარყვარეს სიქველეებიდან ერთ-ერთი მთავარია ოსმალთა შეჩერება, ქალაქ არზრუმის დაპყრობა და შავიზღვისპირეთში არაერთი წარმატებული ლაშქრობის მოწყობა. ამ ენერგიულ კაცს ერთი დიდი ნაკლი ჰქონდა – იგი მესხეთის გამოყოფას ეწინააღმდეგებოდა მცხეთის საკათალიკოსო ტახტიდან და მის მიერ დამმევენებულ ანკურის ტაძარში სურდა მესხთა დამოუკიდებელი კათალიკოსი დაესვა, მაგრამ მის ამ ამბიციას ბოლო მოელო.

სწორედ ახალციხეში, ათაბაგ ყვარყვარეს ოჯახში, დაიბადა თამარი, რომელიც შემდეგ ქართლის დედოფალი გახდა და რომელმაც ბაგრატიონებთან ერთად საფუძველი დაუდო სახელოვან დინასტიას ძლიერი მეფეებისა!

ქართლის მეფე დავით X ბაგრატიონი კონსტანტინე II -ს ვაჟი იყო. თავად კონსტანტინე მუდმივად ებრძოდა ჯაყელ ათაბაგებს. 1465 წელს, მეფე კონსტანტინე და მისი ბიძა მეფე გიორგი VIII, ორივე ერთად, ტყვედ ჩაუვარდნენ ყვარყვარე

მესხთა ამილახორი – ცნობილი შამადავლე პატრონს მხარში ედგა და ერთი სული ჰქონდა, როდის მიეტევებოდა ქართლის ჯარს.

არადეთთან უეცრად კონსტანტინეს სამეფო შტანდარტი გამოჩნდა. ზედგინიძე-ამილახვრები გამხნევდნენ და დასტებად დაეწყვიტნენ შეტევის მოლოდინში. „მეფე მოდის, მეფე!“ – დაიძახა ერთ-ერთმა სამცხელმა მოისარმა და ბანაკი უჩვეულოდ აფორიაქდა, მაგრამ იმწამსვე ათაბაგის მჭექაჟე ხმა გაისმა: „ველოდებით კონსტანტინე მეფეს, მოემზადეთ, მესხნო!“

„დაგვენბდი, თორემ ძალა აღმართს ხნავს!“ – უთხრა ყვარყვარე ათაბაგს მასთან მოლაპარაკებაზე მოსულმა ეპისკოპოსმა!

„ – ვერაფერი გამიგია, მამაო, თქვენ მამულში არაფერი დამიშავებია რა, ქართველთა მტერს ვებრძოდი და ახლა ახალციხისაკენ მივდივართ მესხნი. სიმართლე და ღმერთი ჩვენს მხარესაა“ – თქვა ათაბაგმა და გამჭოლი მზერით შეათვალიერა

დადგინიძე თამარ ჯაყელი – მეფე დავით X - ის მეუღლე,

იანიჩარი, კავკასიიდანაა, იგი მესხეთის ანუ საქართველოს გულის წარმომადგენელია. ცნობილი დიპლომატი, ოსმალთა კარზე დანიშნებული, ალი ეფენდი, სწორედ ის ქართველია, რომელიც იანიჩართა კორპუსში აღიზარდა, შემდეგ სასწავლებელში შევიდა, სადაც უმაღლესი დიპლომატია შეისწავლა და ახლა ის, ოსმალეთის სულთნის საიდუმლო წინადადებებით აღჭურვილი პირია ვატიკანში.

„ – სულთანის სერიოზულად ლამობს რომის ხელში ჩაგდებას, ბატონებო!“ – ამბობს რომელიც კარდინალი ბორჯია და პაპს შეჰყურებს. პაპი ფიქრობს, როგორ შემართოს ფრანგთა და ესპანელთა ალყა-ბარდები და მუშაობს, ოსმალთა იატაკანებისა და განთქმული არტილერიის წინააღმდეგ, ვინ დაიქირაოს გენერალად, რომ ოსმალეები დაამარცხოს კვიპროსსა და კრეტაზე, რათა არ მისცეს აპენინის ნახევარკუნძულზე შეჭრის საშუალება.

ურთულესი წამი უდგას ევროპასა და ევროპულ ცივილიზაციას, რადგანაც მონობაში გამოწვევნილი ოსმალე, უდიერად უყურებს ევროპულ სიბრძნეს, ერაზმ როტერდამელისა და თომასო აქვინელის ფილოსოფიას! მონტენი უკვე წერს თავის ფიქრებს, გარგანტუაზე უკვე ფიქრობს ფრანსუა რაბლე, ევროპა უკვე დემოკრატიას და ლიბერალიზმს ეძიებს, ოსმალე კი მონაა! მონას მხოლოდ პატრონის მათრახი და სამხედრო ნადავლი უვლენს ტუჩებზე მონოლით სისხლნარევ დუქს.

ამ დროს ერთიანი საქართველო, თითქმის არსებობს და არც-არსებობს. ოდინდელი დიდება ქართველთა აქა-იქ კიდევ ბუჭტავს. სამხედრო ლაშქრობები თითქმის არ ხორციელდება. ეგრეთ წოდებულ „შეგომეს“ (ფრანგულად: ლაშქრობა) ახორციელებს ყვარყვარე ათაბაგი, რომელიც თავის ერთგულ ვაჭარზე ზრუნვას იმდენად გაუტაცვინა, რომ იგი აზერბაიჯანის ერთ-ერთ ქალაქში შეჭრას გეგმავს. „ – ვასახელე სახელი ქართველთა“ – ამბობს ათაბაგი ყვარყვარე დიდი, რომელიც გააჭრის მთელს ყარაიას ველს და აზერბაიჯანის სახანოებს დაეცემა რჩეული 500 მეომრით. აზერბაიჯანის სახანოები აზრზე მოსვლას ვერ ასწრებენ. 500 რჩეული მესხი ვაჟკაცი უეცრად გადაივლის ყარაიას გაუდაბნოებელ ტერიტორიას და როდესაც აზერბაიჯანში მესხებს შეამჩნევენ, უკვე გვიანია. თავად ყვარყვარე კვიციზე ზის. კვიცი წინ მიხტის, თავშეუკავებელია. ყველა რჩეული მესხი კვიციზეა ამხედრებული. რის გამოც მათი სვლა ძალიან სწრაფია.

ელვისებური დარტყმით ყვარყვარე აზერბაიჯანის ქალაქ არემში შედის, მესხი ვაჭრის გამანაზილებელს უწერით თავისსავე დუქანზე მიაჭედნიებს და ცხენს ისე

ხედრო მანქანის სიზუსტეს და აღმატებულობას. იგი მისწერს ბურგუნდიის მთავარს, საფრანგეთის მეფეს და ესპანეთის იმპერატორს წერილებს, სადაც ამ უკანასკნელთ აფრთხილებს: „თუ ჩვენ ერთად არ ვიმოქმედდით, ოსმალთა სწრაფად ძლიერდება და შემდეგ მას ვერაფერი ძალა ვერ დაამარცხებთ“.

ყვარყვარე ათაბაგი ევროპელია თავისი აზროვნებით. იგი ესპანეთისა და საფრანგეთის მეფეებს ჰპირდება, რომ გამოვა თავის მხედრობით, აქვე იქნებიან ქართლის მეფე კონსტანტინე, სამეგრელოს მთავარი, იმერეთის მეფე, სომხეთის მთავარი ბურღინი, შავბატკინიანთა სულთანი უზუნ ჰასანი და ყვარყვარეს ნათესავი დავით ტრაპეზუნის იმპერატორი.

ასი ათასი კაცის გამოყვანა იკისრეს ამ მოლაპარაკებების დროს ქართველებმა. ყვარყვარე ამ მოლაპარაკების ერთ-ერთი მთავარი წარმომადგენელია. ისიც უნდა ითქვას, რომ ჯაყელი ამ მოლაპარაკებებში თავის თავს ქარცხებს უწვრცოვს და ყოველთა მესხთა ათაბაგს უწოდებს. მესხთა ტომი მთელს ანატოლიაშია განფენილი, მესხები არიან არა მარტო სამცხის მკვიდრნი, არამედ მთელი სამცხე-საათაბაგოს მოსახლეობა. მესხები არიან ასევე კაპადოქიის მკვიდრნი და მათ მიმართ აქვს ამბიციური ხედვა ათაბაგს.

ყვარყვარე ჯაყელი 77 წლის ასაკში დაქვრივდა. რადგანაც ქრისტიანი კაცი იყო და სისხლიც უდუღლად, მეუღლის ერთნაირი გლოვის შემდეგ, მან კვლავაც დაოჯახება გადაწყვიტა. მაშინ 16 წლის ბაგრატიონ ქალს დაადგა ყვარყვარემ თვალად და სამცხის დედოფლად, ნესტან დარეჯანი აირჩია. დედისიმედთან უკვე ხუთი შვილი რომ ჰყავდა, ახლა ნესტან დარეჯანთან ყვარყვარეს 3 ვაჟი და ერთი ქალიშვილი შეეძინა. სწორედ ეს ქალიშვილი, სახელად თამარი არის ჩვენს თხრობის მთავარი გმირი, რადგანაც თამარს არგუნა ღმერთმა ბედი, გამხდარიყო მეფე დავითის მეუღლე და ეშვა დიდი მეფე ლუარსაბი, ასევე ყოფილიყო ბებია სიმონ მეფისა. რაც შეეხება ყვარყვარე ჯაყელს, მისი გავლენა იმდენად დიდი იყო სახრეთ კავკასიაზე, რომ ისტორიკოსები თუ მემატიანი, წელს აღარ ჩაინიშნავდნენ და ასე წერდნენ „ყვარყვარეს ათაბაგობის მეათე წელს...“ ან „ყვარყვარეს გარდაცვალებიდან მეთორმეტე წელს“.

ყვარყვარე მართლაც დიდი სარდალი და უშიშარი მეომარი იყო. იმდროინდელ პოლიტიკურ და სამხედრო მოღვაწეთაგან, მას სიბრძნით და ენერგიულობით ვერავინ დაუდგებოდა წინ. იგი, როგორც ჩანს, მეფობას ელტვოდა. მეფეები ყველა დამარცხებული ჰყავდა, მაგრამ მათთან ერთად ანტიოსმალური კოალიციის შექმნას ესწრაფოდა. იგი ახალციხის ზარაფხანაში ჭრის მესხური ვერცხლის მონეტას.

ათაბაგს, რომელმაც ისინი ახალციხის რაბათის ერთ-ერთ ჯურღმულში ჩასვა. მეფეები ახალციხისაკენ ლაშქრობას აპირებდნენ და შუა გზაში თავად ყვარყვარე დაესხა მათ თავს. ბაგრატიონთა სამეფო ბანაკი გაავერანა. იცოდა რა, რომ ქართლისა და იმერეთის ჯარი ამ ბრძოლის დროს მგზავრობით იქნებოდა დაღლილი და დიდ სიგრძეზე გაჭიმული, ყვარყვარემ ცენტრში მიიტანა იერიში და ის ადგილი, სადაც მეფეები იმყოფებოდნენ, მყისიერად აღმოაჩინა.

კონსტანტინე მეფე, ყვარყვარეს ტყვეობიდან ლეკების დახმარებით გამოიქცა. ზამთრის ერთ-ერთ თოვლიან დამეს, ლეკებმა კონსტანტინე მეფეს კარები გაუხსნეს და ციხის მაღალი გალავნიდან მეფე თოკით ჩამოუშვეს. მტკვარზე მეფეს თავის ერთგული ზედგინიძეები ელოდნენ. მეფემ მოახერხა თბილისში ჩამოსვლა, მაგრამ მას, დედაქალაქში გამეფებული ბაგრატი დახვდა. კონსტანტინემ ახლა უკვე ქუთაისისაკენ გაქუსლა და იმერეთში გამეფდა, შემდეგ კი ქართლის დაუფლება მოახერხა და ქართლის მეფედ ეკურთხა.

ყვარყვარეს მეორე გვირგვინოსანი პატიმარი გიორგი VIII სულ სხვანაირად მოიქცა, მან გაქცევას ისევ ათაბაგთან დამოყვრება ამჯობინა (ამ ისტორიას შემდეგ მოგიხსნებთ).

ამ ამბიდან 15 წლის შემდეგ, კონსტანტინე მეფის ერთგულმა, ზედგინიძე-ამილახვრებმა თითქოსდა შეამჩნიეს, ათაბაგის მცირე რაზმის გადაადგილება, ქართლში, ბრეთის თემში, ქარელით სიხლოვეს და სამთავისის ტაძარში მყოფ მეფეს ამის შესახებ მყისვე მოახსენეს: „ჩემო ამილახვრებო, ათაბაგი არსად გაუშვავთ და მე ჩემი ჯარით მოვალ!“ – უბრძანა თვალეგაბრწყინებულმა კონსტანტინემ ამილახვრებს, რომლებსაც ბრეთის თემთან ჩასაფრებული ქართლის ლაშქარი ნახევარმთავრისებურად ჰყავდათ დაწყობილი და ყვარყვარეს კაცს ელოდნენ მოსალაპარაკებლად. „ათაბაგი ან აქ მოკვდება, ან ტყვედ მოგვკრით მეფეო!“ – დაიქანდეს ზედგინიძე-ამილახვართა სათავადოს წარმომადგენლებმა და ყვარყვარეს ბანაკს სიცილით გახედეს.

ბრეთთან ჩამუხლული მესხთა ბანაკი საბრძოლველად ემზადებოდა. თავად ცხელსისხლიანი ყვარყვარე თავის რაზმელებს დასტრიალებდა, ბიჭებს ამხნევებდა, წინაპრებსა და გვარს უქებდა, კოპაძეებს პირველ შემტევებად ნიშნავდა. „თქვენს წინაპარი ჩემს პაპებთან ერთად მონღოლს ცხვირიდან სისხლს ადენდა, აბა ჰა, დაპყრო ბიჭებო!“ – ამხნევებდა ბუმბერაზი ყვარყვარე და რკინის კვერთხს იქნევდა.

მოლაპარაკებაზე მოსული, შეჯავშნული ქართლის ეპისკოპოსი.

„ – დაგვენბდი ათაბაგო ყვარყვარე, რადგანაც, ძალა აღმართს ხნავს!“ – მკაცრად გაუთხრა ეპისკოპოსმა. ყვარყვარეს სახე კუმჭი და შეუვალი გაუხდა, მისი ყვრიმალეები ცეცხლისფერი გახდა და მოლაპარაკება ქართველთა შორის უმედეგოდ დასრულდა.

ბრეთთან ახლოს სოფელი არადეთია. სწორედ ამ სოფლის მიდამოებში შეებნენ ერთმანეთს სამცხელი და ქართლის მეფის ლაშქარი. ათაბაგის ამილახორი, ცალხელა შამადავლე, რკინის მკლავით იგერიებდა ქართლელთა შემოტევას, შემდეგ შამადავლემ თავის ნაცად ხერხს მიმართა, ქართლელ თავადს ხმალი ისე გააგდებინა, რომ მახვილს თავადის შეჯავშნული მარჯვენაც მიჰყვა. „შეჯავშნული ხელი გააგდებინა შამადავლემ ქართლელთა მონინავეს!“ – შეჰყვირეს მესხებმა და მეფის ლაშქარს გულმოცემული ეძებნენ. ამ დროს დაღონებული მესხთა ამილახორი შემოტრიალდა და ბრძოლის ველს ცოცხალ-მკვდარივით გაცეცალა. ვერაფერ გაბედა შამადავლეს შეჩერება.

გრძელწვერა მესხი ამილახორი მოუყვებოდა ბილიკს და მის გვერდით სამკვედრო-სასიცოცხლოდ შერკინებულ აზნაურებს ველარც ამჩნევდა. შამადავლეს თვალი მოჰკრა რკინის კვერთხიანმა ყვარყვარე ათაბაგმა და მასთან მიაჭენა ყვიცი – „დაჭრილი ხომ არ ხარ, ჩემო ამილახორო?“ – იკითხა ათაბაგმა. „ – ეეჰ, ათაბაგო, ნეტა მართლა დაჭრილი ვიყო. საქმე იმაშია, რომ ქართლელ კაცს ხელი მოგვკვეთ“ – თქვა დაღონებულმა მესხმა და ათაბაგს ცრემლიანი თვალი მოაჩინა.

ბრძოლის ველზე მესხური სიმღერა გაისმა, შამადავლეს ყოჩობით გამხნევებული მესხები სჯაბნიდნენ ქართლის სამეფო ჯარს. „ – გვეყო ბრძოლა და სისხლისღვრა, ნავიდეთ ახალციხისაკენ, წინ ველარაფინ დაგვიდგება ახლა!“ – ბრძანა ათაბაგმა და კვიცი არადეთის გორაკზე ააჭენა.

ქართლელთა ჯარი გარბოდა. მეფემ მეორე დიდი მარცხი იწვნია. ისიც გარბოდა. მაგრამ აღარ იცოდა, სად უნდა დაბანაკებულიყო. საქართველო აღრეული იყო. მეფე თავის სულიერ მოძღვართან – მამა ნილოსთან მიემშურებოდა. მას სირცხვილი ანუხებდა. ყვარყვარე საოცრად ეჯავრებოდა და ჯაყელების დინასტიის დაუძინებელი მტერი იყო.

მცხეთაში რომ მივიდა, მაღალი კოშკიდან გადმომყურე მცველმა შეამჩნია მეფის რაზმი და კარები განიხვნა. კიბეზე მე-



ფის მოძღვარი ნილოსი ჩამოდიოდა. „ – შეილო, გელოდი“ – თქვა მეფის ერთგულმა ხუცესმა და გადაეხრებოდა. „ – დაჭრილი რომ არ ხარ, მეფეო“ – იკითხა მან. „ცოცხალი ვარ, ჩემო ნილოს, არავინ მინდა ახლა, შენ დამიჯექი თავთან და 90 -ე ფსალმუნის ნამოციხეზე“ – თქვა მეფემ და ტახტზე დაეკარდა. მეფეს უმაღლესი მიეჭრნენ დედოფლის მსახურნი, მას გახადეს ჯაჭვ-კურტაკი, შეხსნეს ზარადი, მოხანეს სისხლი, განხანეს იგი და მეფის მოსასვენებლად მოემზადნენ.

„ – უფლისწული მოუყვანეთ მეფეს“ – თქვა ნილოს ბრძანებამ და დედოფლის სეფეკლამა დარეჯანმა წითელოცება ბიჭი შემოაბრძანა დარბაზში. მეფემ ერთი წლის უფლისწულს შეხედა: „ – მოდი, მამი... დათუნა“ – მოეფერა მეფე და ბიჭი მკერდზე დაისვა. ბიჭმა მამას ლოყაზე და ხელზე აკოცა. „რომელ დამკვიდრებულ არს შენგვანათა მალღლისათა საფარველსა ღვთისა ზეცათაისა განუსვენოს“ – დაიწყო ხუცესმა ფსალმუნის კითხვა

ლაშქრობდა მესხი ვაჭრების დაცვისათვის, ახლა ქაიხოსრო, რატომღაც ირანელ ვაჭრებს აძლევს ბაზარს, რაც სომხებს აგულისხმებდა. თავად მესხი მსხვილი ვაჭრები ბექას და ალბუღას სამართლის ძალით გათანაბრებული იყვნენ აზნაურებთან. როგორც ჩანს, ოსმალთა მზარდი სამხედრო და ტერიტორიული აგრესიის მოსაგერიებლად ათაბაგს დამხმარედ სპარსეთი მიუწვევია. ერანი უდიდესი სახელმწიფოა. მისი თოფ-იარაღი განთქმულია. ერანის ტახტზე შაჰები ათაბაგთან მეგობრობას არჩევენ. სამცხე-საათაბაგორო იმპერიას შორის არის გამომწყვედი ული. ერანის ლომი და ოსმალეთის ჯიქი კბილებს იღესდნენ. სწორედ ქაიხოსრო ჯაყელის დას დაადგა თვლი მეფე დავით X-მ. ათაბაგ ყვარყვარე ჯაყელისა და მის თანამეცხედრეს ნესტან-დარეჯან ბაგრატიონის ასული თამარი 15 წლის იყო. სამცხისაკენ მალემსრობოლი გაფრინდა და მასვე მიჰყვა დავით მეფის აღმზრდელი, ქართლის სამეფოს სარდალი, დავითი და ბოსტონ-ქალაქის ეპისკოპოსი დამიანე.

ციხეში დიდი ქორწილი გაჩაღდა. დავით მეფის სასახლეში უამრავმა ადამიანმა მოიყარა თავი. მესხთა ცხენები ქალაქის მეიდანზე დაჭენაობდნენ, ყანებით „შეიარაღებული“ მესხი დარბაისელი და აშუღნი თავიანთ პოეზიას უხვად აფრქვევდნენ და მეფე-დედოფალს ლოცავდნენ. მეფე დავითი მალაღი და წარმოსადეგი ვაჟკაცი იყო. მის გვერდით იდგა დედოფალი – ძვალმსხვილი, ნაბლისფერთმიანი, მშვენიერი ტუჩ-კბილით გამოჩენილი, მალაყელიანი და აზოვანი – ათაბაგის ქალი თამარ ჯაყელი. სამცხიდან მოსულ თამარს უქებდნენ განათლებას. ახალციხეში მიღებული ცოდნა, იმ დროს, საუკეთესოდ მიიჩნეოდა. თამარი ტრამპუნტის ბერძნულ აკადემიაშიც სწავლობდა. თამარს მწერლობასაც უქებდნენ. ყვარყვარე ათაბაგის უმრწამსი ასული ცხენკეთილობით და სამხედრო ზნეთი გამოირჩეოდა. „უცთომლად ისვრის ისარს, იბრძვის ხმლითა და დაშნით, კლდეებზე ცოცავს, ტყეს იცნობს და ქვაბულებში ეძებს უკვდავების წყალს, სწეულთათვის“ – ამბობდნენ თამარ ჯაყელზე. სამცხელ თამარს ძმები

რატ მუხრან-ბატონი, ჯვართ გადაუდგანინ შემოჭრილ ავეგიორგის და დანებება მოსთხოვა. მუხრანბატონის ამაღლება მესხებიც იყვნენ, იანქო ჯაყელის ხელმძღვანელობით. ავეგიორგი შეიპყრეს და ციხეში გამოკეტეს. დავითმა ლაშქრობა მოაწყო კახეთზე და შემოიერთა იგი. სულ მალე შაჰ ისმაილმა შემოუთვალა დავითს ისლამის მიღება. დავითმა, რა თქმა უნდა, უარი მიუგო, რაზეც შაჰ ისმაილის ერთგული ხანები შეიჭურვდნენ ქვეყნის საზღვრებში.

რაც ყოველი ქორწინებისათვის არის მთავარი, დავითს და თამარს ღმერთმა უღამაზესი შვილები მოუვლინა. ვაჟებს შორის უპირველესი ლუარსაბი იყო, მომავალი დიდი მეფე საქართველოსი, რომელიც სიყმანვილის ასაკში მესხეთში იზრდებოდა. როდესაც სპარსელთა ჯარი საქართველოს შემოესია, ლუარსაბი მამის გვერდით გაჩნდა, თავისი რჩეული მეგობრებით, მძაღვანელებით და ერთად დაიწყეს მტრის დაძლევის გეგმის შემუშავება. ლუარსაბ ბაგრატიონი სამცხელ ბიძებთან

ლუარსაბ I-ის დედა და სიომოც I-ის ბაბია

და კონსტანტინე მეფემ ცრემლით სავსე თვალნი დახუჭა.

დავით უკვე 23 წლის იყო, როდესაც მამამისს მეფე კონსტანტინეს, ცხელბა შეეყარა. დასტაქრები და ექიმ-მეცნიერნი მეფესთან მოიწვიეს, მაგრამ, როგორც ჩანს, აღარაფერი უშველიდა ქართლის მეფეს კონსტანტინეს. იგი 1505 წელს აღესრულა. დავითის მეფედ კურთხევის ცერემონიალი სვეტიცხოველში გაიმართა. კათალიკოსი, ბერ-მონაზონი, თავადნი და აზნაურნი შეჯავშნილ-შეიარაღებული იდგნენ სვეტიცხოვლის დიდი სტოას ქვეშ და ყოველ წუთს ელოდნენ მეფე-მთავრების შემოტევას.

დავით X, მეფე ქართლისა, მუდმივ ბრძოლებში იყო თავის ორ ბიძაშვილთან. იმერეთიდან მას ალექსანდრე, ხოლო კახეთიდან მეფე ავ-გიორგი ესხმოდა თავს. მეფეს მირანგული მოეწონა, დავით ბარათაშვილის ასული. სახელგანთქმული მირანგული ქართლის ცნობილი და ყველასათვის საყვარელი დედოფალი გახდა, მაგრამ სულ მალე დედოფალს უცხო სენი შეეყარა და იგი უცნობ ვითარებაში გარდაიცვალა. დავით X დაქვრივდა. ქართლი წუხილმა შეიპყრო. გორი უეცარი იერიშით ჩაიგდო ხელში იმერთა მეფემ ალექსანდრემ, ხოლო თბილისს კახთა მეფემ შემოუჭია. თავადების თხოვნით, მეფეს ძლიერი მეზობლის ასული უნდა შეერთო ცოლად. პოლიტიკური ქორწინება ნამდვილად გამართლებული იყო.

სამცხე-საათაბაგოში ჯაყელთა კარზე მშვიდობა სუფევდა. 1498 წელს მიიწვალა ათაბაგი ყვარყვარე II, რომლის სამხედრო და პოლიტიკურ ამბიციებს ოსმალნიც კი უფრთხოდნენ. საათაბაგოს ტახტზე ქაიხოსრო I ავიდა. ომებზე და ლაშქრობებზე შეყვარებულ ყვარყვარეს შემდეგ, ვრცელი ქვეყანა მესხეთისა, მშვიდობამ მოიცვა. ქაიხოსრო I ჯაყელი, ბრძენი მმართველი იყო. მის სამართალსა და სიბრძნეს ყველა აღნიშნავდა. მხოლოდ სომეხი ვაჭრების კორპორაცია იყო განანყენებული ქაიხოსრო ათაბაგის პოლიტიკის გამო. მატენადარში დაცული ერთი ხელნაწერი გვიმხელს, რომელი ვაჭრების პოზიციას ათაბაგის შესახებ: „ქაიხოსრო სპარსელ ვაჭრებს გამორჩეულ ადგილს ანიჭებს თავის ქვეყანაში, ხოლო სომეხ ვაჭრებს – ყოველგვარად ზღუდავს და აღარბიებსო“ – ამბობდა ერთი არარატელი. მართლაც, ამ პერიოდში, სავაჭრო კორპორაციები აბრეშუმის გზაზე დამკვიდრების იდეას მოეცვა. სპარსეთი და მისი სავაჭრო საქმეები ძლიერდებოდა. თუ ადრე ყვარყვარე მორეე ჯაყელი აზერბაიჯანშიც კი

ბაგრატიონთა და ჯაყელთა დამოყვრება ყოველთვის დიდი პოლიტიკური მოვლენა იყო საქართველოსა და მახლობელი ქვეყნებისთვის. სამცხე-საათაბაგო 1515 წლისათვის ყველაზე დიდი ქართული სახელმწიფო იყო იმდროინდელ კავკასიაში. ახალციხე კი – ყველაზე დიდი ქალაქი. სიმშვენიერე ახალციხისა და მისი ციხისა, ერთ-ერთი თვალსაჩინოება გახლდათ სამცხე-საათაბაგოს 50 დიდ და პატარა ქალაქებს შორის. ყვარყვარე II ეწეოდა შადრევნებისა და მოედნების შენობობასა და ქალაქური ცხოვრების განვითარებას. ახალციხეში ვაჭრები თავს შესანიშნავად გრძობდნენ. აბრეშუმის გზის ახალციხური მარშრუტი მეტად მომგებიანი იყო, რადგან ათაბაგი თავისი ხმლით იცავდა მას და ყველა იმ მესხ თუ უცხოელ ვაჭარს, რომელიც ახალციხის გზით საქონელს ევროპაში ან აზიაში გაიტანდა. დიდი ათაბაგის რიდი კავკასიაში ყველას ჰქონდა. თავად ბაგრატიონი მეფეები ახალციხეში იზრდებოდნენ ათაბაგთან.

საკანონმდებლო წიგნში, რომელსაც ბექა-ალბუღას კანონები კოდექსი ეწოდებოდა, კარგად იყო განსაზღვრული ყველარანგის მოხელისა და დიდებულის უფლებები. განსხვავებით აზიის საკანონმდებლო ძეგლებსა ბექა-ალბუღას სამართალში ვაჭართა უფლებები განსაკუთრებით იყო დაცული. ამიტომაც დოვლათი უხვად შემოედინებოდა ახალციხის ხაზინაში ამ ვაჭრებისაგან.

ათაბაგებს დიდი სიმდიდრე ჰქონდათ დაგროვილი. ბექა ალბუღას სამართლის წიგნში პირდაპირ იყო ჩანერილი არა მეფე, არამედ „პატრონი ჯაყელი“. სამცხის ათაბაგს ყველაზე საუკეთესო ცხენი უნდა ჰყოლიოდა მთელს კავკასიაში. ეს ამბავი ცნობილი იყო კავკასიის ფარგლებს მიღმაც-კი. აზიის მბრძანებლები მუდამ ამომწებდნენ თავიანთ სიძლიერეს იმ ცხენების რემით, რასაც ისინი ბრძოლაში და მგზავრობის დროს, ან დოღზე, ან მარულაზე იყენებდნენ. ბაიბურთსა და ბურსაში გამართულ ცხენოსნობის შეჯიბრებებში მუდამ სამცხის ათაბაგების ცხენები იმარჯვებდნენ.

„ – ძმებთან ერთად პატარაძალი მობრძანდება!“ – შესძახეს თბილისის ქონგურებზე და ქართლის ჯარი საზეიმო მწყობრით დაიძრა ახალციხიდან მომავალი სადედოფლოს შესახვედრად. ქართლის ჯარს წინ მიუძღოდა მეფე დავით X ბაგრატიონი, რომელიც თავის მომავალ მეუღლესთან შეყვარდა ელოდა. ჯვრისწერა სიონის ტაძარში გაიმართა. უამრავი ხალხი ხარობდა სამეფო ქორწილს და ქართლს მარადიულ მშვიდობას უქადაოდნენ უცხოელი ვაჭრები და მოგზაურნი. თბილისის

ჩამოჰყვნენ! მართალია ათაბაგი ქაიხოსრო ახალციხეში დარჩა, მაგრამ თამარს გვერდით მისი მეორე ძმა ედგა, ეს იყო სიმამაცი ვანთქმული მზეჭაბუკ ჯაყელი, მას გვერდს უმშვენიებდა ვეება ტანის მართალიხონი, შემდეგ იანქო, აქვე იდგნენ თამთინ, საზუერელ და სალუყაზან, რომლებიც განსაკუთრებით თავს ევროპოდნენ დაიკოს. ქორწილში დაგვიანებით გამოჩნდნენ თამარის კიდევ ორი ძმა – ორავუანდა და მანუჩარი. ორავუანდა ჯაყელი ოციოდე კაცით თბილისში სეიდაბაღის კარებიდან შემოვიდა და საქონილო სასახლეში შესულმა დედოფლისა და მეფის ფერხითი მოვერცხლილი გიშრის თვლები მიმოაზნა, მეფე-დედოფალს თავი დაუხარა და სიძეს თავყვანი სცა. რაც შეეხება მანუჩარს, იგი მარტო მოჭენდა ანყურის ციხიდან, საქორწილო დარბაზში შევიდა, ყანნი მოითხოვა და მეფე-დედოფალს შოთას ლექსით მიმართა. დარბაზი ახმაურდა, როდესაც მანუჩარმა ყანნი დაცალა და სიძეს ბუხარაში მოჭედული ხმალ-ხანჯალი მიართვა საჩუქრად. მეფე დავითმა დახედა იაგვანდისა და ფირუზის თვლებით მოჭედული ხმალ-ხანჯალს, ოდნავ თავი დაუკრა ცოლისძმას და მესტუმრეთ უხუცესს ანიშნა, შედლუხი გამართეთო. მესტუმრემ ციხის გაღვანზე შემომჯდარ მეთოფეებს მისცა ნიშანი. მათაც პატრუქები აანთეს და მოემზადნენ. „ირანული თოფები ჰქონიათ ბაგრატიონებს“ – გადაულაპარაკა მანუჩარმა თავის ძმებს და ამ დროს თბილისის გაღვანდის ოციოდე თოფმა ისეთი ხმით იქუხა, რომ მიუღი ქალაქი გამოიფინა. ახალი იარაღის მნახველებმა გაიოცეს. თოფის ნამლით დაყენებული კვამლი შეისუნთქეს და მეფეს შეხედეს. მეფემ კვლავ ანიშნა რალაც მესტუმრეთუხიციეს და მანაც გაღვანის მცველებს უბრძანა შედლუხი გაეგრძელებინათ.

ქეიფი ორ კვირას გაგრძელდა. მეპურეთა რიგებში, ვერცხლის ქუჩაზე, ოქროს ქუჩაზე, მეტუკეთა ქუჩაზე, თათრის მეიდანზე, ყიფჩაყთა კლდეზე თუ ოვსთა მოსახვევში, ვაჭართა და ხელოსანთა ამქარში მწვაბი ამიშინდა, ღვინო და არაყმა მოიცვა ტფილის ქალაქის მცხოვრებნი. მეტეხის კლდეზე მომღერლები მრავალჟამიერს რომ მღეროდნენ, სეიდაბაღის კარიბჭესთან მდგომი ხალხი სიმღერას ბანებს ურთავდა. ქორწილის ბოლოს მეფე-პატარძალი მცხეთის სასახლეში წაბრძანდნენ.

სულ მალე დავით X და მისი მეუღლე თამარი ურთულეს სამხედრო-პოლიტიკურ სიტუაციაში აღმოჩნდნენ ჩათრეულნი. ერთის მხრივ, სპარსეთი უტევდა ქართლს და, მეორეს მხრივ, ვითომდა მოძმე კახეთის მეფე აოხრებდა თბილისს სანახებს. მეფის უმცროსი ძმა ბაგ-

ერთად თელეთის ბრძოლაში ჩაება. ეს არ იყო უბრალო ომი. ქართლის ბედი წყდებოდა. ქართელთაგან და სამცხელთაგან დაკომპლექტებული ჯარით ლუარსაბი სპარსებს ეკვეთა, მოსწყვიტა მათი წინამბრძოლნი, შეუტია ცენტრს და სპარსელთა ჯარი არივ-დარია. სპარსელებმა უკან დაიხიეს. ისინი გადაჯგუფდნენ და ისევ შეუტეს ლუარსაბის ლაშქარს, მაგრამ ლუარსაბმა თავის მესხი გმირებით მტერი დაამარცხა და გააქცია, ლუარსაბიც მიჰყვა. მიუხედავად გაფრთხილებისა, ის წინ გაიჭრა და საკმაოდ დამორდა საკუთარ ბანაკს. ირანელებმა ცნობილი ხერხი იხმარეს და მოჭენავე ქართველებს თელეთის ხევში დამალული ჯვრით უქნიდან დაარტყეს. მეფემ რკინის ლახტი ამოჭმედა, გზა განმინდა, თავისივე ხალხი ალყიდან გამოიყვანა. თელეთის ბრძოლის შემდეგ სპარსელები თბილისს შემოესივნენ, ქალაქის რამდენიმე კოშკი აიღეს და გამაგრდნენ. მეფის სახლობა და დედოფალი მცირე ხნით მესხეთს გადავიდნენ. თავად მეფე თბილისის მისადგომებთან დარჩა. დავით X -მ 1524 წელს, როდესაც შაჰ-ისმაილის გარდაცვალების ამბავი გაიგო, კვლავ შეჰყარა ქართლის მხედრობა, სამცხიდან მანუჩარ ჯაყელის ხელმძღვანელობით რჩეული აზნაურები მოიხმო და თბილისს შეუტია.

გაუგონარი გმირობა იყო თბილისზე შეტევა. მეფე დავითმა ქალაქს დედოფლის ბაღის მიმართულიდან შეუტია. გაღვანზე შემომჯდარი თოფიან სპარსელებს დაბლიდან ცეცხლი შეუნთეს მესხებმა და შეთხრილი გვირაბებით მათი რამდენიმე გოდოლის ჩამონგრევა მოახერხეს. საბოლოოდ, თბილისის ციხეზე ერთიანი შეტევა განხორციელდა. უფლისწულმა ლუარსაბმა და ბაგრატ მუხრანბატონმა მეტეხის ციხეში შეჭრა შეძლეს. ამავე ხანს ნარიყალას უტყის დედოფლის ძმამ მანუჩარმა და მისმა მესხებმა. თავად დავით მეფე ქალაქში ცენტრალური კარით შევიდა და სპარსელთა გარნიზონის სვრა იწყო. 1524 წელს თბილისზე ბაგრატიონთა სამხედრო ჯვარი კვლავ აღიმართა. ნარიყალას ციხეზე ბაგრატიონთა ალაში გაიშალა და ქალაქმა უდრტყინველად იწყო ცხოვრება.

სამცხეში ვაზრდილმა ლუარსაბმა 1527 წელს დაიგა მეფის გვირგვინი. ამ დროს მამამისი დავითი უკვე ბერად იყო აღკვეცილი. დედოფალმა თამარმა დიდხანს იცოცხლა. როგორც უცხოელი წყაროები აღნიშნავენ, საპატიო დედოფალი, თამარი, თავისი შვილიშვილის – სიმონ მეფის სიყმანვილესაც შეეხსნო და გამოირჩეოდა როგორც უტყეხი მზრუნველი ბებია გმირი სიმონ მეფისა.

ეთნოგრაფიის ჩანახურები

პაპა რო მოსულა, სოფელი ახლად დაარსებულა. 9 კვამლი ყოფილა პირველად. პაპაჩემი ქარელიდან ბატონებ გამოქცევიდა. ზედა თმოგვს დამდგარა რამდენიმე წელიწადი, მერე ქილდას დამდგარა, სახლ-კარი გაუმართია, გამხდარა იქ გლეხი. ქილდას ქონდა ურიგო წყალი. ანტონაანი და მოსიაანი კაჭიოდან მოსულან, საროფიანი მოსულან ახალციხიდან. კაჭოელი სომხები არზრუმიდან არიან მოსული.

ნიკოლოზის დროს სომეხი გენერალი ყოფილა პასკევიჩი, იმას სომეხები გადმოურეკია არზრუმიდან, ესენი იქიდან არიან მოსული. ქილდიდან პაპა მოვიდა ბალანთაში, 10-15 წელიწადი ბალანთას ეცხოვრა, მერე მამა ყოფილა მენახირე. ბალანთა ორათ იყო განაწილებული. მამული ნაყიდი ჰქონდათ ზედგინიძეებს და მელიქიძეებს. ჭალები რო დაუთობიათ გლეხებს, მამას მოუთობია და დაუდგია კარებზე. მერე სონია მელიქიძე იყო. იმათი მამა-პაპა დაუწყებენ ჯავრობას, რატომ უშლი რო მოსთიბათ, მერე ბერიძეს უთქვამს, გამოდი და ჩემთან სოფელში იცხოვრე, სახელმწიფო ადგილია აქაო — ჭიხარულაში იცხოვრეო. აქ თათრებს უცხოვრია, კალოები გააკეთეს და თათრის ფულები ამოიღეს...

მთხრობელი სერგო ილიას ძე ბარძიმაძე, 81 წლის, ბორჯომის რაიონის სოფ. ბალანთა. სოფ. ჭიხარულა.

პაპაჩემი ზედა თმოგვიდან არის გადმოსული. ჩვენები ტოლოში, პტენა, ვარეჯანშიც არიან. ჩვენი ძველი გვარი მელქაძეებია, იმერეთიდან ბატონს გამოქცევიდა ჩვენი წინაპარი. ჩვენ ვინაობით იმერელები ვართ.

ჩვენი მამა-პაპათა დროიდან მწყემსი რო მოკვდებოდა, საფლავის ქვაზე მწყემსისაზე ვერძს ან ბატკანს დაადგამდნენ. ჯივილი პატარაძალი, რომელსაც შვილი ყავდა, იმას სიკვდილის შემდეგ აუცილებლად აკვანს დაადგამდნენ. ეს საფლავის ნითელი ქვები მოქონდათ მოდგის ადგილიდან. მოდგა აქ ახლოა, იქ ძველად ბერძნები ცხოვრობდნენ, ეხლა კი სომხები ცხოვრობენ. ჩვენი საფლავის ქვის მთელეი ერთი ბერძენი იყო გუთომიხანიდან მოსული. საფლავები წმ. გიორგის ეკლესიის ეზოშია.

1. ჩემი მამაპაპა იმერეთიდან არის გადმოსული, როცა გაუქმებული იყო ასი წლით ჯავახეთი, მამინ წამოსულა და დასახლებულა ფიას, მერე წამოსულა ქილდას, მიწა ცოტა იყო, ამიტომ ქილდას დასახლებულან. მე ქილდაში ვარ დაბადებული. ქილდიდან აქ 1944 წელს გადმოვიდეთ, წყალი ცოტა იყო და იმიტომ გადმოვიდეთ. ჩვენი გვარის წასულები არიან გომარეთში და თონეთში, მანგლისში არის. ჩვენ გვართ მწყერაანთ გვეძახიან, მერე პატარა ქალიშვილებს, მერე რევაზიშვილებს, ეხლა კი ბალახაძენი გავხდით.

ერთხელ მოსულა გზირი და ბანიდან უნდა ჩეძახა, მერე ბალები ბევრი ყოფილა და ვერ გაუგია, მერე უთქვამს, არ დაუძახე ბალებსაო? დაუძახე, მაგრამ როგორც ბალახმა გააბას ფესვი, ისე გაბამულან და ვერა გაუგონეო, ამიტომ ჰქვია ჩვენს გვარს ბალახაძე.

2. მამაჩემის პაპა იმას ერქვა მამული, თათრულ სახელს უძახდნენ მამულს. ისინი დაფარულათ იყვნენ ქართველები.

იმის შვილსა, პაპაჩემს ერქვა ალექსიო, თათრულ სახელს უძახდნენ მურადას. მერე გადაქართველდით, მამაჩემის სახელი უკვე მარტო ქართული სახელი იყო, მოუსწრო ქართველობამ. მამულას გვარი იყო მარცვალა - მარცვალაძეები. ისინი კარგი გლეხები ყოფილან, ის ისეთი ბედის კაცი ყოფილა, რო ქვაზე რო მარცვალი დევდო, იმ ქვაზე მოვიდოდა მოსავალი. ამის გამოისად მარცვალაძეები ყოფილან, შემდეგში გამოცვლილა გვარი, დაწერილა დელიბაშოვი. როდესაც თათრები ყოფილან, პაპაჩემი ყაჩაღი კაცი გამხდარა და დაუწერიათ ამ გვარად. რალაც ყაჩაღი იყო მეთაური და ისე დაუწერიათ — დელიბაშ-გიჟის თავი. იმის შემდეგ დაწერილან მაისურაძეთ, როდესაც ბატონყმობა წასულა, სახლიკაცს მაისურაძე რქმევია და დაწერილან მაისურაძეთ. ეგენი ყოფილან სამი ძმანი და როდესაც ესეთი არეუ-დარევა ყოფილა ბატონყმობის დროსა, აქედან გაქცეულან, უფლიათ მთაში, ველზე, ტყეზე, მერე რო შეჩერებულა ომიანობა და დაწყნარებულა ქვეყანა, იმ დროს მოსულა ერთი ძმა ქილდაში და დაბინავებულა. ერთი ძმა ჩარჩენილა კომარეთში თავის ცოლშვილით, მესამე ძმა ჩარჩენილა საიმერეთოში, ისინი დღესაც იქ არიან.

3. ჩვენი პაპა თუ პაპის პაპა კახეთიდან არის წამოსული, იქიდან მოსულან და უცხოვრიათ ქილდას. კახეთში, შილდაში ცხოვრობდნენ. ერთხანს ნადილობდნენ რო ბიძას ნავეყვად შილდას.

მთხრობელი: 1. ი. ი. ი. ი. ბიორბის ძე ბაღაბაძე, 71 წლის, 2. ვანო ბიორბის ძე მაისურაძე, 69 წლის, 3. სანდრო ივანეს ძე მიძეაძე, 69 წლის. ახალქალაქის რაიონის სოფ. ოკამი 1,

აქ ცხოვრობდნენ ნათენაძეები, ხუციშვილები, ხოსტიაშვილები (ხოსტიაშვილი. რედ.) ესენი ადგილობრივია. თაქთაქიძეები არიან, მათ ტათალაანთ ეძახიან. ნათენაძეები მოსულენი არიან. თათარი რო შემოსულა, ეგენი გათათრებულან, ცხადად თათრები ყოფილან და ისე ქართველები. ბნელაში ჯვარი დასწერდნენ და მონათლიდნენ ბავშვსაო. ეკლესიაში კი ველარ მიდიოდნენ. თონის თავზე იმიტომ რომ სუფთა ალაგია, ვითომ ეკლესიის მიწა გვარის ყოფილა და იქ ნათლამდნენ ბავშვებსაო.

აქ მოპირდაპირეს არი ერთი გორაკი სულიგორი. იქ სოფელი ყოფილა გოგაიტი. ეხლა იქ ორი საფლავია თათრების და ქართველების. გორის ძირას სოფელი ყოფილა. ეკლესია იქ მთავარანგელოზის. ხრამში არი შენობები, გვირაბები. ურდოები ეცემოდნენ სოფლებს და ქალრძალ იტაცებდნენ, ბალებსაც. მერე იძულებული იყო ხალხი, რომ აქ გადმოხსნებულენ. აქედან კარგათ ჩანს მიდამოები. იქ კი ისე მოვიდოდა, რო ველარაფერს მოასწერდნენ. ეს კი ერთ ქალს, ახალგაზრდა გოგოს უთქვამს, რომ იქ გადავიდეთო. ამიტომ ქვია ამ ადგილს გოგამენი. გოგოს აშენებული. წინათ სოფელი ჭაჭკარი ყოფილა, სადაც ბალებია ვარძის ველზე. აქ ზაფხულობით მოდიოდნენ მინდვრის სათესად. იქ არის ძალიან ძველი დარბაზები, რომელიც ამას ადასტურებს.

¹ ოკამში ამჟამად ცხოვრობს სოფ. ქილდის მოსახლეობა

ველი სოფელია სათათრეთში. იქიდან ჩემი პაპა გადმოსულა. ჩვენ იქაც კათოლიკი ვიყავით. მე ქართველი კათოლიკე ვარ. ლოცვაში ეხლაც ქართულათ ვიტყვით. დიდება მამასა, დადესა, და სულისა. პირველათ იყოს „ალთამარადის თაუკუნის საუტუნის ამენ“ (დიდება მამისა, დედისა და სულისა, პირველათ იყოს ან და მარადის უკუნით უკუნისამდე, ამინ!) პაპამ იცოდა ქართული, პეტრე ჰქვიოდა. მამამ ცოტა იცოდა, მე კი სულ არ ვიცი. მამაჩემის მამა იყო პეტრე და აქედან არი ეს გვარი. ველში თათრები ცხოვრობდნენ და პაპა იქ რო გადასულა, მერე დაუწყია თათრული ლაპარაკი. აქ მოვედით მამინ, როცა მამაჩემი ორი წლისა იყო. 130 წელია რაც ჩვენი გვარი აქ ცხოვრობს. აქ ჩვენ რო მოვედით, არავინ არ ცხოვრობდა. ეს სასაფლაო აქ იყო, რო მოვედით. ვერძები სასაფლაოზე ქართველებსაა. ჩვენ რო მოვედით მერე არ ვდგამდით ეგეთ საფლავებს. თესავდნენ აქ ქერს, გაზაფხულის ნითელ დიკას, შავი-ყარაგულზე. დოლის პურს ჩვენ არ ვეთესავდით, მერე დავიწყეთ. სელი, შავი სელი, ბრტყელი სელი. ვეთესავდით კიდე სტაფილოს, კარტოვილ, კომბოსტოს. კარტოვილი ცოტა ვიცი. ბოლოკი, კვასს ვეთესავდით, ფიგიც ითესებოდა, ხას ფიგსაც ვეთესავდით.

ჩვენ ქართველებს ქალებს ვაძლევდით და ვიყვარებდით. სომეხებს ქალებს არ ვაძლევდით. ვალე, უდემი კათოლიკეები ცხოვრობდნენ. ქალებს სომეხ კათოლიკებს ვაძლევდით. ხულგუმოში ქართული წარმოშობის გვარებია: ტობალიანი, თოფალიანი — ჩამოსულან ველიდან ორი კოჭლი ძმა. თათრულათ თოფალი ქვია კოჭლს, ამ ოჯახისთვის შეურქმევიათ, შემდეგ გვარად თოფალიანი. თავდაპირველი გვარი არ ახსოვთ. ფიგიკიანიც შემდეგ შერქმეული გვარია, ივანიძეები ყოფილან. ივანე ყოფილა იმათი წინაპარი, შემდეგ კი პაპის — ფიგიკის სახელის მიხედვით მიუღიათ გვარი. ლაზარიანი ქართული წარმოშობისაა. ამ სოფელში ცხოვრობს 180 წელია ის ხალხი.

ტერმინ ხარვეს ქართველებიც ხმარობენ და ქართველი კათოლიკეებიც, მამინ როდესაც იქვე მცხოვრები სომეხები ამ ტერმინებს არ ხმარობენ. სამლოთ აქ სხვანაირად იცან. თითონ არ კლავენ სამლოთს, არამედ ყიდნიან და ფული ახალციხეში ივლიტას ეკლესიაში მიაქვთ. აქ ვხმარობდით ჯილღას და ყურებიან ჩივთ. სომეხები ხმარობენ ჰარონას, ვხმარობდით დიდ გუთანსაც. პირველად გუთანზე ხარს კვერცხს მიატყვამდენ შუბლზე, არ ვიცი, რისთვის ხმარობენ.

მოდგამ ვიცოდით ხენაში. ორი ოჯახი შევიკრიბებოდით. ერთი მოიყვანდა ორ წყვილს. იყო ისეთი მდიდარიც, რომელსაც მოდგამ არ უნდოდა. ისე ბევრი ხარი ყოლია. ზაფხულის ხნულიც ვიცოდით და შემოდგომის ხნულიც.

გაზაფხულზე თესვას რო დაამთავრებდენ, მერე ხნავდნენ. ორი წლის მოუხვნელიც იყო შემოდგომის დატოვებულიც. პირველათ კავით ხნავდენ. ორი კვირის შემდეგ ფრთიანი ჩივით ვხნავდით, მესამედ 15 დღის შემდეგ, კიდევ ფრთიანი ჩივით ვხნავდით. ვისაც ძალა ქონდა, წვიმების შემდეგ, როცა გაშრებოდა, მერე კიდევ მოხნავდენ. ამას გაზაფხულით თესავდნენ, მერე კავით ჩახვნიდნენ.

მთხრობელი იაკობ თომას ძე პეტროსიანი, 2 84 წლის, ახალქალაქის რაიონის სოფ. ხულგუმო.

² ქართველი კათოლიკი. მეტყველებს თურქულ ენაზე

აქ იყო ერთი თოსუაშვილი. იმას ყავდა ერთი ვაჟიშვილი. ის ვაჟიშვილი მოკვდა და სიმდიდრე ჰქონდა. რო ჩემი შვილი რატომ უნდა დაქელოს საქონელმა, აილო და ერთი ეკლესია დაადა და ჯვარიც დაუსვა. მერე სხვებიც დაასაფლავეს იქ. ამათი გვარია ზარიძე. 100 წელზე მეტია რაც გაკეთებულია.

სახლი-სამარხი სასაფლაოს ცენტრალურ ადგილას დგას. სამარხის სახურავი ორფერდაა და ქვის ფილაქნით არის დახურული. ამჟამად სახურავი ნაწილობრივ დანგრეულია. თალი ალმოსავლეთის მხარეს ჩატენილია. სამარხს კარი პატარა აქვს, ხის კარები შემდეგ გაკეთებული ჩანს. კარების მაღლა ქვის კედელზე არის წარწერა, რომლის ამოკითხვა მთლიანად გაძნელდა. ამოკითხული იქნა წარწერის ერთი ნაწილი:

... ამას მინ მდებარე არს... ნიკოლოზ ზარიძე... ნამკითხველო შენდობა ბრძანეთ.

სოფ. კოთელიას არის წმ. კვირიკეს ეკლესია. აქვე არის ნასოფლარი მურჯი. ნასოფლარის მთაზე, რომელსაც მურჯის მთა ეწოდება, არის ძველი ეკლესიის ნანგრევები. ნანგრევები ამჟამად უზარმაზარი თილილი ქვის ორ წყებასლა შეადგენს. მურჯის მთის ქვემო ნაწილში გაკეთებული ჰქონიათ გვირაბი, რომელსაც დარანს უწოდებენ. იქვე არის პატარა მურჯის მთა, რომელზედაც ძველი სასაფლაოს ძეგლებსაც ვხვდებით.

მთხრობელი ბაბრატ ტიმოთის ძე ზურაბაშვილი, 76 წლის, ახალქალაქის რაიონის სოფ. კოთელია.

აქ ცხოვრობდნენ გოგოლაძეები, ხმალაძე, გვარამას ძე, აბრამიშვილი, მურჯიკენელი, ინასარიძე, ნათენაძე, ბერძენიძე, გოჩაშვილი, კოსტანაშვილი. ინასარიძე (დასიძებული). წინათ იყვნენ მახმიშვილი, ანზაველიძე და ყველაზე ძველი მოსახლეები აბრამიშვილები და გოგოლაძეები ყოფილან. მერე ხეჩოიანი მოსულა. აბრამიშვილები შეიძლება მკვიდრიც იყოს, მურჯიკენელი აქ დიდი ოჯახი იყო. 40 სული ხიზანი ცხოვრობდა. იმათ თავინთის გუთანიც ქონდათ გამართული, ხარიც ბევრი ყავდათ და ძროხაც.

მთხრობელი გიორგი სტაჟანის ძე ხმალაძე, 57 წლის, ახალქალაქის რაიონის სოფ. ბარალეთი.

წინად აქ ტყე ყოფილა. ჩვენ ვართ საქართველოს სამხრეთიდან, აგარასთან არის. იქიდან ბატონ-ყმობის დროს ვართ გამოქცეული. 150 წელია რაც აქ ვართ. პაპაჩემი ხოჭიჭით წამოუყვანიათ. აქ ისეთი ხშირი ტყე ყოფილა, რომ სოფელი ვერ ეშოვათ, ეს ჩვენი საყდარი 750 წლისამაცხოვარია. ეგ საყდარი დაუნახიათ პერევალიდან რო მანდ სოფელია, მერე მაგ წყალს გამოყოლია კასანთას და აქ დასახლებულან. აქ ყოფილან ხეჩოიანი სომეხები. თათრებიც ყოფილან. ქართველები ხმალაძეები ყოფილან, გვარამაძეები უფრო ძველია, მურჯიკენელებიც არიან.

მთხრობელი სერგო აპოპის ძე გომოლაძე, 70 წლის, ახალქალაქის რაიონის სოფ. ბარალეთი, ჩანერილია 1951 წლის სექტემბერში ჯუღიშა რუსიების მიერ

ჯავახური სოფელი. ჩამწარის ფოტოარქივიდან



მესხეთის

მეხილა ჩემი მესხეთი, ველოდი ამას რა ხანი, მიხმობს მე იქით ზანავი ძველი ოცხე დ ვარხანი.

რეკავენ ზარზმის ზარები, დავანთე მათთვის სანთელი, კვლავ სიჭაბუკეს მაგონებს მოყა, ფხერო და ენთელი.

ლალი სიმღერის ხმა ისმის, ქორნილი – ჰარი, ჰარალი, ძმურად მესხეთზე მღერიან ზველი, თმოგვი და არალი.

ზველელებს

ზველელებს ვადღეგრძელებ, სოფლის ყველა მშრომელს ვიცავ, თქვენთვის მინდა ეს სტრიქონი, იალას და ფიქრულს ვფიცავ.

თქვენი შრომით გაიხარეთ, სულ არ გქონდეთ სხვაზე შური, გქონდეთ მხოლოდ სიყვარული, და მორევას დოლის პური.

კახოს ყანა, მერიები, ირმის რქა და გრძელი ჭალა, გენაცვალებო, ზველელებო, ვინც რომ იცით პურის ჭამა.

ლექსის ბნკალი ან სტრიქონი, რაცა ვწერე არის შენი, მსურს ბაღნარად გადაიქცეს ჩაგრძელა და პატარაშენი.

თაროგვერდში თხილსა კრიფავთ, ჩარდალაში პანტასაო, ჭურაში ხომ თივას თიბავთ, ქორეთში ხდით არაყსაო.

ქორეთი და ლობიეთი, ფუტურ ქვა და იალლი ტაში, აღმართებს რომ მიუყვებით ვიცი, გზარავთ ალბათ ტანში.

ყველა მინდა ერთად გაქოთ, ხომ არ ვცდები ნეტავ ზოგში, კაცი კაცად რომ შეიცნოთ, პური ჭამეთ ხშირად ზოლში.

კოკოლიებს ხმა მომესმა – დაგიკრიფავ, ჩამო, ჭერამს, ზველელი რომ ზველს არცხვენდეს, გადაავადეთ ჩამოჭერას.

ვაქებ, ვაქებ, კიდე ვაქებ, კოშკებსა და ჟანგიერებსო, შავმა მინამ პირი უყოს ვინც ზველელებს ავინებსო.

მოკეთე და მეზობელი დაგესიზმროთ მუდამ ძილში, ერთი ნატვრა აგისრულდეთ, – ცივი წყარო გქონდეთ ჩრდილში.

ცივი წყლები რომ შეგიქოთ, ვინ თქვა ნეტავ „ახ უარი“, სამხობელა ავაზნები, მეფის წყარო „აღფუარი.“

ჭინკას წყალი კაკნაური, მუთბალი და კაკლის წყარო, გენაცვალე ჩემი ზველო, ამით მაინც კარგი ხარო.

ეს ლექსი თქვენთვის გავლექსე ზედგინიძემა დათომამ, თქვენს სიყვარულში ვებრძობი, თმებში ჭალარამ დამთოვამ.

გოგი ეგნატჩი

მე შენს მარჯვენას დავლოცავ, ეგნატეს შვილო გოგია, შენ ზველში ვაზი ახარე, ზოგსა ზღაპარი ჰგონია.

ბუნების მოტრფილე ხარ, ყველა ბუჩქის და ნერგისა, ბულბულსაც შემურდებოდა შენ რომ უმღერდი ნარგისა.

ნასოფლარებში ეძიე ვაზი, მესხური ჯიშისა, ფანაქეთს ნახე ეს ვაზი, არ გქონდა ფიქრი შიშისა.

რომ მოეფერე ვაზის ძირს, მას ტანზე მუშლი ეხვია, სიხარულისგან ყლორტები შენ მკლავზე შემოგეხვია.

მამას ზ. „დავიდოვიჩს“

შენ საუკუნის მიჯნაზე დგახარ, როგორც ბერმუხა ყლორტებ აყრილი, შვილთა შვილებთან გშვენიის სიბერე, როგორც გაზაფხულს მარტი, აპრილი.

ტოტებგამლილო, ყლორტებ აყრილო, დიდო ბერმუხავ, ფესვებ მაგარო, სიდარბაისლით შენი მხნეობა არ ვიცი ახლა რას შევადარო.

შენი ცხოვრების აღმართ-დაღმართი კაცური კაცის სახელით განვვლოთ, შენი ბუდიდან აფრენილ მერცხლებს კვლავაც იმედით ფრთა შემოავლოთ.

ჭირის და ლხინის მრავალ მნახველო, ქედმოუხრელო ხარო ნიშაო, დღეს აღარა გყავს უღლის გამწვევი, ჭაპანს ისევ სწევ მარტო წინაო.

დიდო ბერმუხავ, ფესვებ მაგარო, ყლორტებს შენს ჩრდილში ისევ ფარავო, შვილთა შვილებმა გიმრავლოს მარად, როგორაც მთაში ცხვრისა ფარავო.

რა ვქნა, თუ ისე ვერ ვწერე, ჩემი ლექსების ალაში,

ღმერთმა რა ნიჭიც მიბოძა, იმას სწერს ჩემი კალამი.

ჩემი ცხოვრების აღმართ-დაღმართში მუდამ ვიყავი შრომა-ჯაფაში, მაინც ვერ შევძელ, ვერ შევიცანი ადამიანი ადამიანში.

ქვეყნად ვინ იყო ბრძენი ისეთი, ვინაც შეიცნო ადამიანი, ქვეყნად ყველა კაცს თეთრი კბილი აქვს, გული კი მრავალს გულ-ღვარძლიანი.

მოძღვრის ლოცვაში დამამახსოვრდა სიტყვა: „პური ჩვენი არსობის“, როცა მის თავთავს ვკრეფდი ყანაში მახსენებოდა წლები ბავშვობის.

– „პურის მადლმაო“, იფიცებოდნენ, როცა არ იყვნენ სიტყვის გამტენნი, რა ძალა შესწევს პურს – მათ იციან, მადლი იციან პურის ნატების.

გლები გახედავს იმედით ჯეჯილს, ჩაიმუხლება პურის ყანასთან, მადლი პურისა მხოლოდ მან იცის, მიჯაჭვულია ვინაც მინასთან.

ავტორ-მთქმელი ღაპიტი ზეფტინიძე, ასპინძის რაიონი. 1993 წელი. სოფელი ძველი

ბანცხალება

ჩვენი გაზეთის ერთგული მკითხველო! როგორც მოგესხენებათ, გაზეთი „ლიტერატურული მესხეთი“ დღიდან გამოცემისა, ძირითადად საკუთარი შემოსავლებით ფუნქციონირებს და, მიუხედავად ამისა, იგი რესპუბლიკაში, სალიტერატურო გამოცემებს შორის, მაინც ყველაზე მაღალტირაჟიანი გაზეთია, რომელსაც მკითხველი მთელი ქვეყნის მასშტაბით ჰყავს.

გაზეთმა რომ იფუნქციონიროს, თითოეული თქვენგანისაგან მეტი მხარდაჭერა სჭირდება, რისთვისაც გთხოვთ, ვისაც დღემდე არ დაუფარავს გასული წლის დავალიანება, შესაბამისი თანხა ჩაგვირიცხეთ მითითებულ ანგარიშზე:

შპს გაზეთი „ლიტერატურული მესხეთი“ „ლიბერთი ბანკის“ ასპინძის ფილიალი ს/კოდი 223100908 ანგ. NGE72LB113115795007000 წინასწარ გიხდით მადლობას თანადგომისათვის.

რედაქცია

დაბა და სოფელი (მზავრის პენიზნები)

ჯავახეთი. 15 მარიაშობისთვის. აქეთკენ ორგან იცის დღეობა, ანუ აქაურად „ზიარათი“, ერთი საფარის და ერთიც ვარძიის მონასტრებში. პირველი მათგანი ქ. ახალციხეს და ქვემო მესხეთს უფრო ემხრობა, ამიტომ აქ ხშირად თავს იყრიან ახალციხელები და ქვემო მესხელები; მეორე-კი, ე.ი. ვარძია ემხრობა ქ. ახალქალაქს, ზემო მესხეთს და მთლად ჯავახეთს. ამ მონასტრებში, გარდა დასახელებულ ადგილების მცხოვრებთა, მრავალნი მოდიან წალკადგან (ქართველები და ბერძენები) და ყარსის ოლქიდან (ბერძენები და მაჰმადიანები). საფარის შესახებ ამ ჟამად არაფერს ვიტყვი, რადგან არ გხვდებივართ, მოგახსენებთ ორიოდ სიტყვას ვარძიის წრეგანდელ დღეობის შესახებ.

ვარძიის მონასტერი ახალციხიდან 59 ვერსის მანძილზე (საურმე გზით) სძევს მდ. მტკვრის მარცხენა მხარეს. იგი გაშენებულია ერთს მაღალ კლდეში და წარმოადგენს ერთს უზარ-მაზარს ოთხ-სართულიანს სახლს (მაღაროს). მეორე სართულში იმყოფება კარგად მოზრდილი ეკლესია ძველბურის მხატვრობით და ეგრედ ნოდებული თამარ დედოფლის

პალატი. მესამე სართულის მაღაროთა შორის შესანიშნავია ეგრედ ნოდებული თამარ დედოფლის სასამართლო (აქაურად დივანხანა). მშენიერს სანახავს წარმოადგენს ეს მონასტერი ღამე, 14 მარიაშობისთვის, მდ. მტკვრის პირიდან, მაყურებელს სწორედ ასიამოვნებს სამას-ოთხასამდის სანათი და მასთან სხვა-დასხვა ფეროვან ქალ-კაცის მოძრაობა. საზოგადოდ მონასტერში ბლომად მოდიოდა ხალხი, მაგრამ უკანასკნელს დროს მლოცველები შარშანდელმა უხილობამ შეაშინა. წელს, მართალია, გაეკეთებინა ხერთვისის მამასახლისის ხის ხიდი (ოთხი ხიდგან), მაგრამ ქვა-დაუყრელი და დაუმიწავი, ასე რომ ხიდზედ მარტო ქვეითა კაცს შეეძლო გასვლა, ცხენიანი წყალში უნდა გასულიყო. ხოლო თუ ვინმე გაჰხედავდა ხიდზედ ცხენით გასვლას, ის დღე დაადგებოდა, როგორც ხერთვისის მწერალს: ცხენს ფეხი ჩაეჭვდა ხესადა-ხის შუა, თავი ვეღარ შეიმავრა და შიგ წყალში-კი მოსძვრა ტყაპანი. ნახევარი ვერსი ატარა წყალმა და მერმე, რის ვაი-ვაგლახით, ძლივს გამოათრევს ნაპირას. ასეთი დღე ადგია აქ მომსვლელს უხილობისა-გამო.

მართალია, წინამძღვარი მონასტრისა, ყვე-

ლასგან პატივცემული არხიმანდრიტი სიმონი ძრეილა ცდილობს გააკეთოს როგორმე ხიდი, მაგრამ რა ქნას, როდესაც მცირე შემოსავლით დღე-ღლიურათ მონასტრის ბერებს და მსახურთ ძლივს ჰკვებავს (მონასტერს ხაზინა არაფერს აძლევს). ამ ბოლო დროს მონასტრის ქონებისა და შემოსავლის გასაძლიერებლად წინამძღვარმა ნისქელი გააკეთა და უნდა იმისი შემოსავლით როგორმე გააკეთოს ხიდი, მაგრამ როდის იქნება, ვინ იცის. დღეობაში მლოცავთა შორის სიმშვიდის დასაცვლად ჩვეულებრივ ბარალეთისა და ურაველის ბოქა-ულები, იგზავნიან ხოლმე, მაგრამ წელს არც ერთი არ იყო. ბარალეთის ბოქაული იმ დღეს თავისს საბოქაულო ნაწილში ტფილისის გუბერნატორის თანამდებობის აღმასრულებელს დაუხვდა და გააცილა იგი ახალქალაქამდის. აქ-კი მთლად მაზრის პოლიცია იყო ამ დღეს შეყრილი, რადგანაც დიდს მთავარს ნიკოლოზ ნიკოლოზის ძეს მოელოდნენ ქ. გუმრიდგან. მაგრამ რატომ არ იყო ურაველის ბოქაული, ამისი რა მოგახსენოთ, არა ვიცი-რა. ახალქალაქის მაზრიდან მხოლოდ დილისკისა და ხერთვისის მამასახლისები იყვნენ თავისი ყა-

რაფაფახებით, ახალციხის მაზრის ლეპისის მამასახლისი თავისის მწერლით, ყარაფაფახით და ორი საპოლიციო დარაჯით. ღმერთმა უშველოს ლეპისის მწერალს პეტროს მამიკონიანს, თორემ არ ვიცი, თუ როგორ დაანოკებდნენ საწყალს მლოცველებს ეს დარაჯები. მეტადრე საზღვარი არა ჰქონდა „სტრაჟნიკ“ გიორგი ზაზაძის თავგასულობას) აქვე ახლო სოფლის (მცხოვრებთა): რომ დაენახებინა მეზობლებისათვის, აი, შემომხედეთ, რა „ჩინოვნიკი“ ვარო, ხან ვის ზურგზედ აუდიოდა ფაპაჟუპი იმის მათარახს და ხან ვისზედ. აქ ბრალიანი და უბრალო, დიდი და პატარა აღარ იყო. როდესაც გამოშვებულა, მხოლოდ მაშინდა შეიტყო თავგასულმა, რომ საპროტოკოლო მხოლოდ თვითონ იყო იმ დღეს. სხვა ფრივ დღეობამ რიგინად ჩაიარა. ამ ჟამად აქეთ კარგი დარები სდგას, თიბვას მორჩნენ. გამოსავალიც კარგი სჩანს. ეტყობა, შარშანდელმა ყანის მტერმა „გოტენტოტურმა ბაღლინჯომ“ ჩვენზედ ხელი აიღო.

ქართული ჯავახეთში ივერია, 1901 წელი, N183

გაზეთის ელ.ვერსიების არქივი: ციფრული ბიბლიოთეკა „ივერიელი“ (საქართველოს ეროვნული ბიბლიოთეკა)

დამფუძნებლები: ფიზიკური პირი ავთანდილ ბერიძე სსიპ სამცხე-ჯავახეთის სახელმწიფო უნივერსიტეტი

გაზეთი რეგისტრირებულია ასპინძის რაიონის სასამართლოს მიერ 1998 წლის 15 ოქტომბერს. სარეგისტრაციო N19/4-17

გაზეთის რედაქცია სარგებლობს თავისუფალი პრესის პრინციპებით და ავტორის მოსაზრებებსა და გამოხატვამებზე პასუხს არ აგებს

კომპიუტერული უზრუნველყოფა ირმა ჯიშკარიანის

რედაქტორი ავთანდილ ბერიძე სარედაქციო საბჭო: ღურმიშან ბერიძე, მერაბ ბერიძე, ვახტანგ ინაური, სოსო გიქოშვილი

გაზეთი დაიბეჭდა შპს „საარის“ სტამბაში მისამართი: ქ. თბილისი, თევდორე მღვდლის 57. ტელ: 2.94-14-32

რედაქციის მისამართი: 0500, დაბა ასპინძა, თამარის ქ. N3, ტელეფონი მთავარი რედაქტორის: 599 97 95 24 lit.meskhedi@gmail.com lit.meskhedi@yahoo.com